

DIHLATSE

 Mantšiboa a mabotse, bagwera. Ke thabile kudu go ba mo bošegong bjo, go direla Morena. Ye e bile beke ya letago go rena, dibeke tše pedi tša go feta. Ngwanešu Neville o sa tšo ntšeela morago ka kamoreng gomme o be a bolela le nna, gomme a bolela gore go bile ba bangwe ka godimo ga dikete tše lekgolo, ba tlile go Morena; gomme e nyakile go ba masometlhano a dikolobetšo, ba kolobeditšwe ka meetseng. Yeo e a swanelia, a ga se yona? Re thabetše seo kudu.

² Re thabile go ba le basetsebje ka dikgorong tša rena bošegong bjo, le go rapela gore Modimo o tla le šegofatša ka go fetiša ka bottlalo. Gomme re nyaka go leboga yo mongwe le yo mongwe yo a beilego matsapa ka kopanong ye, go dira se sengwe bakeng sa letago la Modimo.

Re nyaka go leboga Ngwanešu wa rena Thom.

³ Gomme—gomme Ngwanešu Tom Merrideth le Kgaetšedi Merrideth, le Merrideth yo monnyane fa, bobedi, le bohole ba bona, bakeng sa moopelo wa bona, mmino; gomme ka kgonthre amogela morago go Tabarenekelle ya Branham ka nako e ka ba efe. Bohle ba ba ikwelago seo, e reng “amene.” [Phuthego e re, “Amene.”—Mor.] Ngwanešu Merrideth, o tseba ka fao re ikwago. Ke sa tšo kopana le Ngwanešu Merrideth, e se kgale, gomme o bile mogwera wa kgauswi kudu.

⁴ Ngwanešu Neville bakeng sa ya gagwe, le Ngwanešu Merrideth, bobedi, bakeng sa theroy bona ya bogale, le go ema kgauswi, le tšohle ba di dirilego.

⁵ Ngwanešu Neville, re thabile go ba le wena bjalo ka modiša wa rena fa, wa kereke ye. Re nyaka le tsebe gore lerato la rena la go tebatebi le bakeng sa lena. Gomme ke ne boitshepo ka go Ngwanešu Neville; o kitimišeditše bophelo bja gagwe morago. Gomme le tseba polelo ya kgale, “Mphelele theroy kaone go phala go ntherela e tee,” therešo ye ntši go seo. Gomme kafao ke—ke thabile kudu gore Ngwanešu Neville o fa le rena, go tše mošomo wa bodiša wa dinku tše tše di sa tšwago go tlišwa ka lešakeng. Morena Jesu a šegofatše ngwanabo rena!

⁶ Gomme bakeng sa matikone le . . . yo mongwe le yo mongwe, re no e thabela.

⁷ Re na le Ngwanešu Kidd, ke a dumela ke yena, le ba bantsi ba badiredi ba bangwe ba go fapania, le Ngwanešu Hoover. Ga ke tsebe ge eba Ngwanešu Hoover o fa bošegong bjo, goba aowa, eupša o bile le rena gomme o kolobeditšwe mosong wo.

⁸ Ngwanešu Beeler, mogwera wa rena le mokgotsi wa kgale mmogo, ka go Ebangedi, ge le ka ntshwarela bakeng sa go bolela

ka tsela yeo. Re thakgetše go ba le yena le tirišano ya gagwe. O ngwala di—di direkoto tša dikopano, le go ya pele. Gomme o tla be a e phela gohlegohle, lebaka la nako ye telele, ke a thanka.

⁹ Kafao re thabetše yo mongwe le yo mongwe kudu, bakeng sa...lena ba le opetšego tša go ikgetha, le se sengwe le se sengwe. Morena Jesu a le šegofatše, ke thapelo ya ka.

¹⁰ Ke nno lapa nthathana bošegong bjo. Ga se ke be le go khutša go gontši. Bošego bja go feta e be e le theri gabedi, gomme ke tsene ka gare e ka ba ka, malaong, e ka ba ka iri ya pele. Gomme ka tsoga gape mosong wo, ka leselaphutiana ka kgontha, le tirelo ya go hlaba ga letšatši, gomme morago sekolo sa Lamorena. Morago, ka dula ka meetseng e ka ba diiri tše pedi, go kolobetša.

¹¹ Meetse ale a a tonya. A ga a dire, bagwera? Oo, ao ke meetse a go tonya kudu nkilego ka a bona, nkilego ka ikwela, a ke re. Nna, ga se ka ke... Ke be ke hwile bogatšu go fihla ke no... Ke be ke sa tsebe ge eba ke be ke gatela godimo goba fase, go tšwela ka ntle ga fale.

¹² Kafao ebile ga se ke tolodge ge ke fihla gae, gomme mosadimogatša o rile, "Matena a lokile." Gomme ke nno tabogela ka gare ga pafo ya meetse a go fiša, gomme ka mokgwa wo mongwe ke huthumetše gannyane; gomme ka apara diaparo tša ka, le go ya go tirelo ya poloko.

Gomme re bile le tirelo ya poloko.

¹³ Feela ge ke fihla morago gae, go be go le mogala wa tšhoganetšo go tšwa sepetlele, kafao ke ile ka swanelo go retologa le go ya morago sepetlele.

¹⁴ Ga se ke hwetše matena a a itšego, kafao ke nno... Ngwanešu McSpaddin, sehlopha sa rena, se be se le godimo gomme re bile le matena a manyane, feela nakwana ya go feta.

¹⁵ Gomme ka tla morago bjale bakeng sa tirelo ya mantšiboa, le go tswaleleng ga tsošeletšo. Ka kgontha re thabetše monyetla wo. Feela go ba makgwakgwa gannyane nthathana, kafao le tla nkgotlelala.

¹⁶ Ke rile, mosong wo, "Ke ya go bolela bošegong bjo, ka, 'Maswao a a latelago modumedi.'"

¹⁷ Ke be ke sa tsebe, ge ke tsena ka gare mosong wo, gobaneng, goba mantšiboa a—a, a ke re, go fihla yo mongwe wa bahlokamelaphahlo fa ka kerekeng, a rile, "Ngwanešu Bill, o a elelwa, bošegong bjo ke bošego bja selalelo."

¹⁸ Ke naganne, "Oo, nna, ke rena ba gape bjale!" Kafao ke ile morago tlase, ke naganne, "Morena, bjale ke ya go bolela ka eng?"

¹⁹ Ke bile le mothalo ka moka wa Mangwalo fa, a ngwadilwe, gomme ke be ke eya go bolela ka bontši bja wona ka moka, go, "Maswao a a latelago modumedi," kafao ke ile ka swanelo

go fetola seo nthathana gannyane. Kafao bjale, mohlomongwe, kafao re na le tirelo ya selalelo, gomme re a holofela gore le na le rena ka go mokete wo mogolo wo. A nako ye botse go tšeа selalelo, thwi ka morago ga tsogo. Gomme nako ye botse go Moya wo Mokgethwa go wa, le wona, thwi go bapa ka dihla tša go swana bjale tšeо Moya wo Mokgethwa o welago.

²⁰ Kafao, bošegong bjo, ke a holofela bjale ga se ke lahlegelwe ke thekethe yela. Filimi ya Billy Graham ya boebangedi e ka Louisville, gomme e tla be e bontšha *Tora ya Oli ya U.S.A.*, Aporele masomepedi, ka go Otithoriamyo ya Segopotšo. Ke... Ba mpotšišitše, bošegong bjo, ge eba ke be nka bega seo, yo mongwe wa badirišani ba Billy Graham, o be a tla e bega ka kerekeng ya ka. O mphile karata ya gagwe. Kafao ke...ke tla rata, ge le ka kgona, go bona yeo, ge e sa le tarafe. Gomme ke a dumela e tla ba ye botse. O bile le filimi ye kgauswana, *Mna. Texas*, gomme ba bantši ba lena ba bone yeo, filimi ye kaone kudu, ka nnete. Gomme ga se ka ke ka tsoge ka bona e tee ya tšona, eupša ke kwele ditshwao tše ntši kudu ka tšona. Yeo ke Aporele masomepedi, ka go Otithoriamyo ya Segopotšo ka Louisville.

²¹ Gomme bjale, gape, ke a dumela go ya go ba tsošeletšo ye e yago pele beke ye, godimo ka—ka otithoriamong, gape. Moebangedi tsoko yo moswa o godimo fale o a rera. Gomme ge eba o tikologong mabapi, gomme o kgona, ke a tseba ba tla thabela. Ke tseba ka fao...Ke a le botša, ke duma ge nkabe ke se ne selo go dira, feela go tloga tsošeletšong e tee go ya go ye nngwe. Ke gore, ke rata go ya mmogo ka mellong le go ruthela. A ga le? Seo ke se sebotse.

²² Ngwanešu Merrideth, a o tsebišitše batho moo kgašo ya gago e tlago ka gare, le se sengwe le se sengwe? [Ngwanešu Tom Merrideth o re, “Aowa, Ngwanešu Branham.”—Mor.] Gabotse, a o ka tla fa le go dira seo gonabjale? Ngwanešu Merrideth o tla tsebiša ya gagwe...[Ngwanešu Merrideth o kwalakwatša dinako tša lenaneo la gagwe la tšatši ka tšatši.] Ke a go leboga, Ngwanešu Tom.

²³ Gomme a go ne e ka ba mang gape a nago le tsošeletšo yo a nyakago go e bega, goba e ka ba efe ya ikgetha, e ka ba mang wa badiredi? Gomme ka mehla re thabile go lemoga baena ba rena le ditirelo tša bona. Morena a le šegofatše bjale.

²⁴ Gomme bjale le se lebale go dula le rena, ge le ka kgona, ka pela ka morago ga tirelo ye, tirelo ya go bolela, bakeng sa—bakeng sa selalelo le go hlapišana maoto. Ke ba bakae ba kilego ba kwa ka go hlapišana maoto? Gabotse, seo, o no ba gae fa bjalo ka ge potla e le ka hempeng. Bjale, re a e dumela gobane Beibele, re a nagana, e a e ruta. Kafao re—re duma le ka dula godimo le go ba le rena.

²⁵ Le ezelwa Mabaptist a fešene ya kgale tlase ka Kentucky, ka fao re bego re fela re eba le matena mo mobung? Gomme

magagešo a kgale ba be ba tla emeleta le go opela yeo boka re dirile tlase go dikarogano tša nokana, (le a elelwa?), “Mogau wa go makatša, modumo o bose bjang!” Baena bohle ba boela morago ka tlase ga moriti wa mehlare fale, gomme ba tla ya go hlatswa maoto le go goeletša. Bao e be e le Mabaptist a kgonthe. Ga se ra šikinyana diatla seng sa rena, boka lena Mabaptist le dira lehono. Re bethana seng sa rena ka morago go fihla a etla go kgabola. Ka kgonthe ba bile le se sengwe. Re swanetše go ba le bontši bja Mabaptist ale, a ga se ra swanelat? Yeo ke nnete.

²⁶ Gomme ka fao re sa e obamela mo, go hlapišana maoto, gomme re tla rata gore le be le rena, ge go kgonega, bosegong bjo. Kafao ke tla leka go tlogela, go no bolela, gobane ke no ba makgwakgwa gannyane. Kafao, nthapedišeng bjale.

²⁷ Gomme bjale ke nyaka go bala tše dingwe ka go Testamente ye Mpsha, ka go tema ya 1 ya Ditiro Tša Baapostola. Ke nagana ye e swanetše go bitšwa Ditiro Tša Moya Wo Mokgethwa Ka Go Baapostola. E be e le ka tsela ye Moya wo Mokgethwa o dirilego baapostola go dira, morago ga ge A tlide. Bjale, ka go temana ya 8, re bala se.

*Eupša le tla amogela maatla, ka morago... Moya
wo Mokgethwa o tlide godimo ga lena: gomme le
tla ba dihlatsi... bobedi ka Jerusalema, ... Judea, ...
Samaria, le go fihla dikarolong tša kgolekgole tša lefase.*

²⁸ Gomme bjale, feela lebaka la dinakwana di se kae, ke nyaka go šomiša thuto ya: *Dihlatse*.

²⁹ Gomme bjale re ka inamiša dihlogo tša rena, feela go latela, bakeng sa nakwana ya thapelo, ge le rata.

³⁰ Ke a makala ge eba kgaetšedi wa rena a ka re fa khote ye nnyane ya *Dula Le Nna*, se sengwe ka mokgwa woo, kgaetšedi, ge o rata.

³¹ Bjale, motho yo mongwe le yo mongwe ka fa o ne tlhoko bjale. A o ka no e dira e tsebje go Modimo, ka seatla sa gago sa go phagamela godimo? E no laetša go Modimo, “Ke—ke na le tlhoko, Morena.” Ke na le sa ka godimo, le nna. A nke A šegofatše yo mongwe le yo mongwe wa lena, le go le fa tlhologelo ya pelo ya lena. Ge motho yo mongwe le yo mongwe, ka tsela ya gagwe mong bjale, feela ka tsela ye o rapelago ka kerekeng, yeo ke tsela ye ke nyakago o rapela.

³² Tate wa rena wa Legodimong, re tla go Wena go tswaleleng ga letšatši le lengwe. Letšatši le lebotse le le bego le hlaba mosong wo, bjale le šetše le diketše gomme le ile fase, maru a leswiswi a khupeditše lefaufau. Re a Go leboga bakeng sa letšatši le bakeng sa megopolو ye re bilego nayo ya letšatši le legolo lela la segopotšo ge Jesu, Morena, a tsogile go tšwa bahung.

³³ Therešo, bjalo ka ge tlhago e le, kafao go tla ba ka pela, nako ya go dikela ga letšatši e a theoga. E ka se be botelele go fihla

gohle e tla ba leswiswi. Ba bantsi ba tla tlogelwa fa go ya go kgabola sekgala sela sa nako, ka fao tlala le lenyora la tsošeletšo ya fešene ya kgale go no swana le ge e tswaletšwe.

³⁴ Modimo, ke rapelela mosadi yo moswa yola ntle kua ka septelele feela bjale, o be a le ka kotsing yela, o phatlogile le lengwe la maswafo a gagwe; gomme e kgeitše monnamogatša wa gagwe; o šilagane, o pšhatlagane; pelo ya gagwe e rathetšwe ka lehlakoreng le lengwe, ga go kgonagale ka go felela go dingaka. A O ka se be le kgaogelo feela bjale?

³⁵ Elelwa, Morena, gore Mna. Pritchard o robetše kua, o a hemelana, o hwa. Ka mehemelano ya mehemo, ge a sa obeletša go kgabola tente ya oksitšene, o amogetše Kriste bjalo ka Mophološi wa gagwe wa sebele.

³⁶ Tlase ka legaeng la poloko, lehono, ge re sa khunamile kua ka kamoreng, mokgekolo yola wa go šokiša, masomeseswai le metšo a mengwaga bogolo, o rile ga se nke a ke a amogela Kriste bjalo ka Mophološi wa sebele. Gomme kua ka legaeng la poloko, polokong ya setlogolomorwedi sa gagwe, o amogetše Kriste bjalo ka Mophološi wa gagwe wa sebele. A nke Modimo a be le yena!

³⁷ Šegofatša bohole bale fa ka Tabarenekeleng, Morena, dibeke tše pedi tše, bao ba tlago go L... Wena. Eba le bona. Šegofatša bao ba kolobeditšwego mosong wo. A nke ba gole ka mogaueng le tsebo ya Morena, go fihla ba eba ka leemong la go tlala la Jesu Kriste, ka gona letšatši le lengwe re tla tšeelwa godimo mmogo le Yena ka lerung, go kopana le Yena ka moyeng, le go ba le Morena go ya go ile.

³⁸ Šegofatša bohole ba ba lego mo, bosegong bjo, Morena. Gomme ge go ka ba e ka ba mang ka fa yoo a sešogo a Go amogela bjalo ka Mophološi wa bona, a nke ye e be iri ya sephetho sa bona. A nke ba tle ka go ratega, ka boikokobetšo, gomme ba Mo amogebe bjalo ka Mophološi wa bona wa sebele. E fe, Morena.

³⁹ Gomme bjale, bjalo ka wa Gago wa go šokiša, wa go hloka maswanedi, mohlanka wa go hloka mohola, go bonala go mphihletše go ngwatha Borotho bja Bophelo, go batho gape bosegong bjo. Morena, ke a rapela gore O tla thuša, bosegong bjo. A nke Moya wo Mokgethwa, motho wa boraro wa thrinithi, a tle, a tšeet Lentšu la Modimo, gomme a Le bee ka pelong ye nngwe le ye nngwe, feela bjalo ka ge e hloka. Gona a nke Le nošetšwe ka tumelo, gomme le tliše pele dikenya tše ntši. E fe, Morena.

⁴⁰ Re a Go rata, gomme re dumela Wena le go direla Wena. Bjale amogela go fa ditebogo ga rena, ka gore re e kgopela Leineng la Morena Jesu, Morwa moratwa wa Gago. Amene.

⁴¹ Re a thoma, bosegong bjo, ka go ye nnyane ye, thuto ye kopana ya Lentšu la Modimo. Gomme ge ke sa kganyoga modumedi yo mongwe le yo mongwe go ba ka thapeleng, thapelo ya go teba, bakeng sa ka bjale. Ga go motho a ka bulago Lentšu le la Modimo. Re ka gogela matlakala morago, eupša, go Le bula,

go tsea Moya wo Mokgethwa. Motho a ka se kgone go dira seo. Bjoo ga se bokgoni bja rena. Johane o bone Beibele e robetše Legodimong, gomme o rile, "Go be go se motho Legodimong, goba lefaseng, goba ka tlase ga lefase, go swanela eibile go tsea Puku, go E bula, goba go tlemolla Mahuto." Gomme ka gona o bone, "Kwana, bjalo ka ge E hlabilwe go tloga motheong wa lefase, O tlide gomme a tsea Puku go tswa seatleng se setona sa Yena yo a dutšego godimo ga Terone, a bula Mahuto, gomme a tlemolla Puku gomme a E bulela batho." Gomme a nke A tle, bosegong bjo, gomme a dire ka mokgwa woo.

⁴² Jesu mo o be a bea baapostola ba Gagwe, bakeng sa maswanedi a Moya wo Mokgethwa, pele ba be ba eya go ba dihlatse. Gomme thuto ya ka bosegong bjo ke, "hlatse."

⁴³ Bjale, ka dikgorongtsheko, hlatse e swanetše go tseba se sengwe. Feela mang kapa mang a ka se kgone go tla ka gare le go ba hlatse. E swanetše go ba yo mongwe yo a tsebago se sengwe. Gomme yeo ke tsela ye e lego ge re hlatsela Morena. Go tsea yo mongwe yo a tsebago se sengwe.

⁴⁴ Kafao Jesu o naganne, o boletše se, gore pele ba ka ba dihlatse tsa Gagwe, "Ba ile ba swanela go leta ka Jerusalema go fihla ba hlamiswa ka Maatla go tswa Godimo," gona ba be ba tla ba dihlatse, gohlegohle lefaseng; ka Jerusalema, Judea, Samaria, le dikarolong tsa ntentle tsa lefase.

⁴⁵ Ka dikgorongtsheko, go mehuta ye mebedi ya dihlatse tše di tlago go ema, tseo ke, leihlo goba tsebe. Bjale, ge o dutše ka kamoreng gomme wa lebelela go kgabola galase, gomme wa bona kotsi, bohlatse bja gago, lentšu la gago ga se la loka, gobane o be o lebeletše go kgabola galase. O swanetše go ba thwi fao, kgauswi, ka kgonthe go tseba se o bolelago ka sona, pele o ka ba hlatse. O swanetše go e kwa, goba O swanetše go e bona, pele o ka ba hlatse go taba ye šoro mo dikgorongtsheko.

⁴⁶ O ka se kgone go re, "Mohumagatšana *Semangmang* o mpoditše, goba Mna. *Semangmang*, goba Mor. *Semangmang* o mpoditše." Ke hlatse, eupša ga o yona.

⁴⁷ Kafao, kagona, ga go motho a ka go hlatsa tlwa go tsogo ya Kriste, ke feela ka Moya wo Mokgethwa. O swanetše go ba hlatse ya sebele, wenamong; go beng fale, o tseba se sengwe ka yona, o tseba se o bolelago ka sona.

⁴⁸ Gomme Modimo a re thuše go bona letšatši leo ge batho ba tla no ba se ba lego. Le a tseba, ke nna . . . Ke bolela se bjale ka ditlhompho tšohle. Ga se toropokgolo ya rena, e tletšego mafelo a botagwa, ao a re gobatšago. Sese se se re gobatšago, go feta go kilego, ke batho ba ba ipolelago go ba Bakriste gomme ba sa phele boka bjona. Seo ke selo, le a bona. Ga se bona hlatse ya maleba.

⁴⁹ Ba ka se kgone go hlatsa go fihla ba eba le boitemogelo. Gomme ge ba ne boitemogelo, gona ba ba hlatse, ka go

itiragalela, gobane ba tswetšwe gape. “Gomme dilo tšohle tša lefase, dilo tša kgale, di fetile, gomme dilo tšohle di fetogile tše mpsha.” Gona o ba hlatse go Jesu.

⁵⁰ Jesu o tsebile, pele baapostola ba ba ka tsoge ba ya ntle le go ba hlatse ya maleba, gore ba ile ba swanela go itemogela se ba bego ba hlatsa ka sona. A seo se ka se be gabotse, lehono, ge seminari ye nngwe le ye nngwe e dirile selo sa go swana, ge Mokriste yo mongwe le yo mongwe a dirile selo sa go swana? O tla no tla kerekeng le go re, “Bjale ke amogela Jesu bjalo ka Mophološi wa ka wa sebele. Ke ya go dula thwi fa go fihla ke hwetša kolobetšo ya Moya wo Mokgethwa, gomme morago ke ya ntle go ba hlatse.” Le a bona? Dilo di tla fapania. A ga le nagane bjalo? Re be re ka se be le ale a go hlepha, mabopaki a go phatlalala.

⁵¹ Batho ba paka le go re ke bona Mokriste, gomme ba ya ntle le go phela maphelo a mangwe. Gomme mosedumele o tla ka gare gomme o bona seo, o re, “Gabotse, lebelela fale! A ke ka tsela yeo ba . . .” Gomme diabolo ka mehla o tla ba šupetša ntle, le yena. O ka no ithekga ka seo. Ke rakgwebo. Gomme a se tšeelle fase bokgoni bja gagwe le dikgao tša gagwe tša kgwebo, gobane o tseba se e lego mabapi le sona.

⁵² Bjale, pele o ka ba hlatse, bjalo ka ge ke boletše, o swanetše go tseba se sengwe. Ka kgontho o swanetše go ba hlatse.

⁵³ Modimo o bile le hlatse ka go Testamente ya Kgale. Ye nngwe ya . . . Ye nngwe ya dihlatse tša Gagwe tša mathomo e bile Noage. Noage o be a le hlatse Ka baka la gore o be a kwele segalontšu sa Modimo, ka tshebotšo, gore, se mmotša gore go be go etla lefula, le gore o swanetše go aga areka. Gomme tokisetšo ya areka ye e be e swanetše go ba komana gatee, gomme o be a swanetše go lokišetša lefelo go phološa batho. Bohle ba ba bego ba tla tsena, ba be ba ka kgona go tsena. Gomme o be a le hlatse ya Modimo.

⁵⁴ Bjale, selo se nnoši seo a se tsebilego, gore Modimo o mmoditše, gore e be e eya go na. Le ge e be e se ya ke ya na lefaseng, eupša Modimo o rile e be e eya go na. Kafao ge Modimo a rile e be e eya go na, gona seo se be se e ra e be e eya go na. Kafao o be a le hlatse ya Lentšu la Modimo. Gomme kafao o biditšwe, gomme o ile ntle le go lokiša areka le go bea dilo komana, bakeng sa pula, pele pula e ka tsoge ya thoma go na. Morago, go ne hlatse ye nngwe ya Modimo.

⁵⁵ Go bile le batho ba bangwe nako ye nngwe, Bajuda; go tšwa lelokong la Juda, moo ba hweditšego leina la bona. Gobane ba be ba sa sepele ka morago ga ditaelo tša Modimo, ba be ba sa boloke ditaelo tša Gagwe, Modimo o biditše Kgoši Nebukadinetsara go tla ka gare le go ba iša bothopša, tlase ka nageng ya Babilonia. Ba bantsi ba rena re elelwia kanegelo ya kgale ya go tsebalega ya ka fao ba lekeleditšego diharepa tša bona mohlareng wa mogokare wa go lla, gomme ba be ba sa kgone go opela dipina tša Tsione.

Phenyo yohle ya bona e be e lahlegile, e sego ka gobane Modimo o nyakile go e tloša go bona, eupša ka lebaka la sebe sa bona, se ba arogantše le Modimo.

⁵⁶ Leo ke lebaka, bošegong bjo, leo bontši bja Bakriste ba se nago phenyo, ke ka gobane dibe tša bona di ba arogantše go tloga go tšhegofatšo; ba ripilwe, ntle ka go lefelo la leganata, ba nnoši. Gomme dipelo tša rena di lekeletše godimo ga mohlare wa mogokare wa go lla, gobane ga re kgone go ipshina ka dipina tša kereke.

⁵⁷ Ke elelwa botelele go fetile, ge re be re fela re etla ka mo. Ba be ba tla be ba raloka *Tlase Mo Sefapanong*, go piano, ge pele e be e lla, le go tla ka gare. Go be go ka se be leihlo le le omilego ka kerekeng, yo mongwe le yo mongwe a lla, ka go iketla, a le mohlodi. Ke no rata tsela ya fešene ya kgale; a mohlodi, a mabose, Maatla a Moya wo Mokgethwa, a phulega. Pele re ka tsoge ra dira tsela e ka ba efe go ya pele, re swanetše go phušulwa, pele. Le a tseba, go swana le mmopi, moprofeta o be a eya tlase ntlong ya Mmopi, gore a phušulwe, gore a dirwe gape. Gomme le a tseba, ge go se na go phušuga, ga go go dira gape. O swanetše pele o phušulwe.

⁵⁸ Gomme ka fao gore, go no swana le mobu, ge o eya go ba le puno, Ngwanešu Wright, o swanetše go phušula mobu wa gago, pele, o o kgeila ohle diripana. Gomme ka morago o bjale peu ya gago, gomme e tla mela. Go ya le gore ke mohuta mang wa peu o e bjalamo, gona, ge o sa phušugile. Kafao gona ge dimela di... mobu o phušugile gohle, ke nako go bjala peu.

⁵⁹ Ka gona, baena ba ba bego ba tlogile go tšwa nageng ya tshepišo, tlase go ya ka Babilonia, ba thopilwe, gobane dibe tša bona di be di ba arogantše le Modimo.

⁶⁰ Gomme ke no ba fešene ya kgale go lekanelo go dumela, bošegong bjo, se, gore ge kereke goba motho ka motho e ka ba mang a thoma go bapala le go gerema le lefase, o ya go ba le boitemogelo bja go swana; go ya kgole go tloga go Modimo, go ya kgole go tloga go Therešo. Gomme ke a e dumela. Ke—ke a tseba gore ke therešo.

⁶¹ Ke bile ka bodireding bjale, mengwaga ye masomepedi, gomme ke bone mehuta yohle ya go fapano le mehuta go dikologa lefase. Eupša ke a le botša, bagwera, le ka no ba le nyaditšwe, eupša ke rata ya fešene ya kgale, kopano ya go phatloga.

⁶² Yo mongwe o tlie kgauswi, letšatši le lengwe, gomme o rile, ge ke be ke sa rera fa, o rile, "A mosadi yola... Billy, o ka kgona bjang go rera, gomme mosadi yola a dutšego morago fale a sehumula, a lla, a goelela 'Amene'?"

⁶³ Ke rile, "Mohlomongwe leo e be e le bontši ka moka lebaka ke bego ke rera. Nnete. Ya." Ke rile, "Ge a..."

⁶⁴ O rile, “Gabotse, seo se be se tla nyaka go mpolaya, ge—ge ke be ke leka go bolela, gomme yo mongwe a tšwelapele ka mokgwa wola.”

Ke rile, “Ga se se nkgobatše, ngwanešu. Se be se ntlhohleletša.”

O—o rile, “A o be a le modiradibe wa go šiiša, goba se sengwe?”

Ke rile, “Aowa. O be a le Mokriste, a tladišwe ka Moya wo Mokgethwa.”

“Gomme a lla?”

⁶⁵ Ke rile, “Ee. Beibele e rile, ‘Yo a yago pele, a lla, ntle le pelaelo o tla bowa gape, go tliša le yena dišerefe tše bohlokwa.’”

⁶⁶ Amene. Yeo ke nnete. “Yo a yago pele, a bjala,” le a bona, “le—le go bo—... a bjala ka megokgo, ntle le pelaelo o tla bowa gape, go tliša le yena dišerefe tše bohlokwa, a hlalala ge a etla morago.” Beang dilo tša pele pele, go phušula, go dira gape; morago le tla le hlalala. Amene. Go lokile.

⁶⁷ Bana ba ba Israele ba ile tlase kua, ba be ba le ka tlase ga kgoši ye nngwe. E sego... Kgoši ya bona beng e be e tlošitšwe le bona. Ba tlide ka tlase ga kgoši ye nngwe, kgoši ye šoro, Kgoši Nebukadinetsara. Kafao letšatši le lengwe, o boletše, gore, “Ge batho e ka ba bafe...” Ge a dirile, a agile seswantšho se segolo ntle ka mašemong, gomme o boletše, gore, “Motho yo mongwe le yo mongwe yoo a ka se khunamelego seswantšho sela, o swanetše go lahlelwa ka leubeng la mollo gomme a tšhungwe.” A kwa—kwa kwano e dirilwego, gore bašemane ba ba swanetše go tšhungwa, yo mongwe le yo mongwe!

⁶⁸ Gomme go bile ba bararo tlase fale bao ba bilego le karabo ya peleng go thapelo, ba bitšwa Sadirake, Mesake, le Abedinego. Ba retolotše magetla a bona go seswantšho. Gomme ba rile, “A go tsebje go wena, O kgoši...”

⁶⁹ Ke nyaka le hlokomele se. Modimo o nyaka dihlatse tša Gagwe go tia; e sego hlatse lehono, le go duma o ka re gosasa.

⁷⁰ Ke be ke rera tirelo ya poloko lehono, le go e sega ka maatla; yo mongwe o nkgopetše, o rile, “Ke nagana bontši bja batho ba be ba le badiradibe, ga se ba amogela Kriste.” Ke naganne mohlomongwe ke be ke e segile go tia gannyane kudu.

⁷¹ Gomme ge ke be ke eya ntle, ka ko—ko koloing ya mmoloki, o obeeditše le go mphaphatha legetleng, o rile, “Moreri, ke nyaka go go lebogiša.”

Ke naganne, “Uh-oo.”

⁷² O rile, “Yeo ke tsela ye ke naganago gore e swanetše go rerwa.” O rile, “Ga ke rate bodumedi bja go duma ge nkabe.”

⁷³ Ke naganne, "Šaatena, go ne dikholofelo go wena." Yeo ke nnete. Yeo ke nnete, moo ka kgontho o e beilego moo e lego ya gona. Yeo ke nnete tlwa.

⁷⁴ Ka gona bana ba ba Israele, ba, Sadirake le Mesake le Abedinego, dihlatsela tša Modimo.

⁷⁵ Modimo ga se a ke a tsoge a ba ntle le hlatse. Ka mehla o... Bjale fa ke nyaka le hwetše se kgauswi ka kgontho. Modimo ga se a ke, le ka nako e ka ba efe, a bile ntle le hlatse mo lefaseng. Ka mehla O bile bonnyane monna o tee A kgonnego go bea diatla tša Gagwe godimo ga gagwe, a re, "Bjoo ke bohlatse bja ka." E tlie tlase go monna yo motee, nako ye nngwe; gomme Jobo o be a le hlatse ya Gagwe e nnoši; gomme Abraham ka—ka nageng; eupša Modimo o bile le hlatse. Yo mongwe o ya go hlatsela Modimo felotsoko.

⁷⁶ Bjale, ka morago ga lebakana, re nyaka go hwetša se hlatse ka nnete e lego sona, ya letšatši le. Go lokile. Hlokamelang.

⁷⁷ Banna ba, ge ba be ba eya tlase kua, ba ganne go ja dijo tša kgoši, go nwa beine ya gagwe, gomme ba ganne go khunamela seswantšho sa gagwe. Ba be ba le ya mmapale, hlatse ya therešo ya Modimo.

⁷⁸ Gona dinako tše dingwe go na le kotlo ye e yago le hlatse. Dinako tše dingwe, ge o hlatsela Modimo, o swanetše go tlaišega gannyane ga nthathana.

⁷⁹ O elelwa ge mme a go boditše gore o ka se kgone go dula tikologong ya gae, ge feelsa o bala Beibele le go tšwelapele? Goba, ba bangwe ba baagisani ba rile, goba bana ba rile, sekolong, "O be o le lehlanya," goba se sengwe, gobane o be o le hlatse ya therešo? Elelwa, mošomong, ka fao banna bohole ba go segilego gobane o be o le hlatse ya kgontho? Le a bona? Ka fao mo mekgotheng o dirilwego metlae, ge o efa bopaki? Eupša leo ke leswao la mmapale la ya kgontho, hlatse ya therešo. Modimo o nyaka dihlatsela.

Bjale batho ba bangwe ba re, "Ke paka ka kerekeng." Seo ke se sebotse.

⁸⁰ Eupša, ngwanešu, a nke Seetša sa gago se phadime ka mafelong a leswiswi, moo ka kgontho se hlokwago, ntle ka magoreng le ditsela tša lephefo, ka diparang, ntle, go theoga mokgotha. Mogohle o lego, a nke Seetša sa gago se phadime bjalo ka hlatse. Amene.

Hlokamelang, nako yeo moleko wa go fiša o a tšwelela.

⁸¹ Gomme motho yo mongwe le yo mongwe yoo a tla hlatselago Modimo o tla swanela go ya go kgabola meleko ya go fiša. A ga go makatše ka fao Modimo a hlahlagoo batho ba Gagwe? Go tlaba kudu.

⁸² Feela ka pela ge Jesu a kolobeditše, O ile ka lešokeng, go lekwa ke diabolo.

⁸³ Feela ka pela ge Israele e tšwetše ntle, ka tlase ga madi, ba boloditswe, Moya wo Mokgethwa o ba etapele ka sebopego sa se—se Seetša, thwi go otlologa godimo go Lewatle le Lehurbedu. Gomme fao, ba rakeletšwe, dithaba ka lehlakoreng le tee, leganata ka go le lengwe; Madira a Farao a etla, gomme Lewatle le Lehurbedu le ba thibile. Modimo o ile a ba hlahlala thwi godimo go ya lefelong lela. Ka baka la eng? Go hwetša letago. Ka gona Moshe o rapetše; gomme Modimo o mmoditše go gatela thwi pele go theoga go leba Lewatleng le Lehurbedu, a swere lepara la gagwe ntle ka pele ga gagwe. Gomme ge a sepetsé, Lewatle le Lehurbedu le šuthile go tloga lehlakoreng le tee go ya go le lengwe, thwi go kgabaganya Lewatle le Lehurbedu. Gobaneng? Tsela ya Modimo e hlahlile go kgabola.

⁸⁴ Ka pela ge ba tšwile fale, thwi ka Lešokeng la Sebe. Go a tlabu. Tsela ya Modimo e hlahlala thwi go kgabola moleko wola wo mogolo fale, ge ba popodumile kgahlanong le Modimo. Ba ile go tloga fao, go ya pele, go tloga go go popoduma go gotee go ya go gongwe, go tloga go teko e tee go ya go ye nngwe.

⁸⁵ Bjalo ka ge pina ya kgale e re, “Bangwe go kgabola meetse, bangwe go kgabola mafula, bangwe go kgabola meleko ya go teba, eupša bohole go kgabola Madi.” Yeo ke tsela ya Modimo ya go etapele, go etapele mabopaki a Gagwe, dihlatsé tša Gagwe.

⁸⁶ Bjale, ge go etla nako, moleko, wa mollo. Sadirake, Mesake, le Abedinego, ba rile, “Modimo wa rena o kgona go re lokolla go tšwa leubeng la mollo; eupša le ge go le bjalo, ge a sa dire, ga re khuname, re ya go hwa re le hlatse ya kgonthe.”

⁸⁷ Ke rata seo. Ke rata sebete sela sa kgale. Boka Buddy Robinson wa kgale, o rile, “Morena, mphe lerapo la mokokotlo boka kota ya saga.” Woo ke mohuta wa hlatse go ba. Tlhohleletšo! Modimo o re rata go ba le sebete.

⁸⁸ O boditše Joshua, pele a tshelela mošola, o rile, “E ba le sebete kudu, ka gore Morena Modimo wa gago o na le wena kae kapa kae mo o yago.”

⁸⁹ O re, “Gabotse, ge Modimo a ka mpotša boka A dirile Joshua, ke tla ba le sebete tsoko, le nna.”

⁹⁰ O boditše modumedi yo mongwe le yo mongwe selo sa go swana. “Ke tla ba le lena, ka mehla, ebile go fihla bofelong bja lefase. Nka se tsoge ka go tlogela goba go go šia.” Sebete! A re yeng go tsea tshepišo, gona. Modimo o re file tshepišo. A re beng hlatse ya kgonthe.

⁹¹ Kafao ba bile le leuba, makga a šupago fišifiši go feta le kile la bešetšwa pele.

⁹² Yeo ke tsela ye diabolo a e dirago. Gomme, ngwanešu, ga a dire tsela seripa. O kgoromeletša se sengwe le se sengwe a nago naso, thwi ka go wena. Eupša, a go lebogwe Modimo, Modimo

o na le go kgoromeletša morago gore O a dira Yenamong. Yeo ke nnete. Go lokile. Mo lebeleleng. Kafao o rile . . .

⁹³ Bjale hlokamelang. Ke kgona go bona Kgoši Nebukadinetsara o ipeile yenamong ka thoko ga leuba le legolo, le muši, mafaufau a be a le a mahubedu.

⁹⁴ Ke a eleletša, bošego bjhohle botelele go be go le kopano ya thapelo e kgatlampana. Le a tseba, ge o etla tekong . . .

⁹⁵ Še yona. Bjoo ke bothata ka kereke lehono; o itshema godimo ga dikwi tša gago mong le bokgoni, go na le go e tšeela go Morena ka thapelo. Yeo ke nnete. Lehono re thoma go romela yo mongwe felotsoko, gabotse, o re, re ya tlase le go ba le keletšo ye nnyane, le go kopana le go re, “Re swanetše go dira *se*, goba go ya *fa*, goba go dira *sela*.”

⁹⁶ Eupša Beibele, ka matsatšing pele ba romela baapostola ntle, ba kopane mmogo le go ikona le go rapela. Gomme Moya wo Mokgethwa o rile, “Nkaroganyetšeng Paulo le Baranaba.” Moya wo Mokgethwa! Le hlokomele, e sego kgopolu ya motho; eupša Moya wo Mokgethwa o etaapele, o hlahlala. Amene. Hlokamelang.

⁹⁷ Bjale, kopano ya thapelo, bošego bjhohle, kafao ba ile ba swanela go bontšha se ba dirilwego ka sona. Gomme, ngwanešu, monna yo mongwe le yo mongwe yo a ipolelagu go ba Mokriste, nako ye nngwe goba ye nngwe o swanetše go laetša se o dirilwego ka sona. Diabolo o ya go bitša seatla sa gago.

⁹⁸ Ge Tommy Osborn yo monnyane, bontši bja lena le a mo tseba, o tlie godimo, ke be ke dutše mathuding. O rile, “Ngwanešu Branhams, ke . . .” o rile, “Ke be ke le ka kopanong. Ke bone segafa selu se ewa go kgabaganya maoto a gago.” O rile, “Nka dira eng?”

⁹⁹ Ke rile, “Bjale, Tommy, o se ke wa bolela eng kapa eng o sa kgonego go e thekga. Diabolo o ya go bitša seatla sa gago godimo ga yona. Ee, o tla dira, gomme o tla e dira gonabjale.” Ke rile, “Gona ge o sa kgone go e thekga, o tseba se se tlago. E tla ba kgobogo. Kafao eba le nnete gore o nepile, pele o dira setatamente sa gago.”

¹⁰⁰ Gomme yeo ke nnete, le yona, Mokriste. E ba le nnete gore, tlase ka pelong ya gago, Modimo o go arogantše go tloga go dilo tša lefase le go go dira sebopiwa se seswa, gona eya o botše batho o Mokriste. Go fihlela seo se diregile, dula thwi mo aletareng gomme o hwe go fihla o no hwa ka mo o kgonago go ba. Go lokile. Ehwa go fihla o hwile bjalo go fihla ebile o sa kgone . . . Gabotse, yeo ke nnete, o hwile!

Le a tseba, ke a nagana, lehono, re boloka batho ba bantši kudu ba go phela.

¹⁰¹ Le boloka batho ka morago ga ge ba hwile. A yeo ke nnete? Ee, mohlomphegi. Theetša, ngwanešu, monna wa go hwa a ka se ngangišane le wena. O ka bolela e ka ba eng go yena o

nyakago, wa mmitša mehuta yohle ya maina, a ka se bolele lentšu. Gobaneng? O hwile.

¹⁰² Gomme monna yo a hwilego ka go Kriste, o ka kgona go mo neela seno, o ka kgona go mo fa *se, sela, goba se sengwe*, eupša o hwile. Gomme o fihlilwe ka go Kriste, ka Modimo, o tswaleletšwe ke Moya wo Mokgethwa. Amene. Yeo ke yona. Bjale, gona, a ka se kgone go dira dilo tše, gobane o—o no se kgone go e dira. E kgahlanong le tlhago ya gagwe. O ba sebopiwa se seswa.

¹⁰³ O tšeа kolobe ya kgale gomme wa e hlapiša, gomme wa e gohla, le go tlotša manekura go manala a yona a menwana, gomme wa e fa setlotšamolomo, gomme wa e apeša, dinaelone tšohle o nyakago; wa e lokolla, e tla ya thwi lerageng le go pshikologa. Go gohla ga go dire botse. E sa na le tlhago ya kolobe.

¹⁰⁴ Gomme ka gona o tšeа kwana gomme wa e bea ka moleteng wa leraga, o tla goeletša go fihla o mo ntšhetša ntle. Gobaneng? Yena ke tlhago ya kwana.

¹⁰⁵ Bjale, tsela e nnoši go ntšha kolobe ka lerageng ke go fetola tlhago ya gagwe. Yeo ke nnete.

¹⁰⁶ Yeo ke tsela e nnoši go dira Mokriste. A tlhago ya gagwe e fetolwe, go tloga go modiradibe go ya go mokgethwa. Le a bona? Gomme go ne kalafi e tee feela, yeo ke Moya wo Mokgethwa. Gona o hlatse. Amene.

¹⁰⁷ Bjale hlokomelang. Ke nyaka le hwetše se, kgauswi. Kgoši Nebukadinetsara o dirile kwa—kwa kwalakwatšo gore batho ba ba swanetše go tšhungwa. Gomme mosong woo ba tlile, ba tlema diatla tša bona. Fale go ile lepolanka le sepela godimo fale, tsela godimo ka godimo ga leuba, leuba le legolo, le butšwe. Ba be ba eya tlase ka leubeng. Gomme ba thomile matšhe wa lehu. O rile, “Bjale lebelelang, le na le sebaka bjale. Ge le nyaka go khunama, go lokile.”

¹⁰⁸ Ba rile, “Modimo wa rena o kgona go re hlakodiša, eupša ga re gomele morago.” Ba be ba le tša kgonthe, dihlatse tša therešo, go fihla bofelong.

¹⁰⁹ Ba ile ba thoma go sepela go rotoga tsela, go ya godimo, masole a ba matšiša. Phišo ya go tsenelela e bile ye mpe kudu go fihla e ka no kgama masole. Gomme ka gona ge a loketše go ba kgoromeletša ka leubeng la mollo, ke kgona go kwa Sadirake a re, “E re, ka nnete o rapetše?”

“Ee. Ke a dumela go lokile bjale.” Go lokile.

¹¹⁰ Gomme ka gona ebile le masole a bolailwe, bona ba ba tlišitšego ka gare. Gomme ba ba kgoromeditše. Feela dikgato di se kae, gomme ba ka be ba ba kgoromeeditše ka gare ga leuba la mollo.

¹¹¹ Bjale, nako yohle go ne se sengwe se kgatlampanganago lefaseng, go ne se sengwe se kgatlampanganago ka Legodimong, le sona. O

na le seswantšho sa go šiiša mo, ka tlase ga kelohloko bjale, sa modumedi a eya lehung la gagwe. Eupša a re retolleleng khamera ya rena, bošegong bjo, go leba Legodimong. Gomme ge dilo di sa ya pele tlase fa, go ne se sengwe se diregago godimo Kua. Ke kgona go bona Modimo, Morwa wa Modimo a dutše ka seatleng se setona, a lebeletše fase.

¹¹² Ke kgona go kwa Morongwa a etla gomme a re, “Morena, ke nna Gabariele,” ka tšhoša ye kgolo ya gagwe ka seatleng sa gagwe, a re, “bjale, nna, ge e sa le go tloga letšatši leo O ntłhodilego, ke eme hleng le lehlakore la Gago le letona. Ke dirile feela se O mpoditšego go se dira. A O lebeletše fase go tšona dihlatse, mosong wo? Ba lokišetša go tšuma dihlatse tše tharo.”

Ke kgona go Mo kwa a re, “Ke ba šeditše bošego bjohle botelele.”

¹¹³ “A nke ke ye tlase.” O rile, “Ke tla fediša . . . Ke tla fetola seswantšho.” Ke a dumela a ka be a e dirile.

¹¹⁴ Eupša O rile, “Gabariele, nno bea tšhoša ya gago morago ka kgotlopong ya yona. Nka se kgone go go dumela wa ya.”

¹¹⁵ Ka gona ke lebelela go tla mo, go la Gagwe la nngele, mo go tla yo mogolo, Morongwa yo maatla ka leina la Kgalako. O na le ditaolo tša meetse. Gomme o wela pele ga Gagwe, a patlama, gomme o re, “Morena, a O lebeletše fase go tšona dihlatse? Gobaneng ba lokišetša go ba tšuma mosong wo, gobane ba hlatsela Modimo.”

O re, “Ee, ke ba šeditše.”

¹¹⁶ “A nke ke ye tlase. Ke tla gogola Babilonia go tloga sefahlegong sa lefase.” Ke a dumela a ka be a e dirile. O rile, “O mphile dikgonyo. Gomme nakong ya ebol- . . . goba lefase la pele ga meetsefula, gomme ke tladitše selo ka moka mafula, le go se gogola bakeng sa Gago. Ke tla dira selo sa go swana, mosong wo, ge O ka no—wa no mpha phefo.”

¹¹⁷ Ke kgona go Mo kwa a re, “Ee, Kgalako, yeo ke nnete, o ka kgona go e dira. Ke—Ke a tseba o ka kgona go e dira, eupša Nka se kgone go go dumela wa ya.”

“Gobaneng, Morena?”

¹¹⁸ “Ema godimo fa ka lehlakoreng la Ka la nngele, gobane Nka se kgone go go dumela wa ya. Ke a ya, Nnamong. Ke ba šeditše, bošego bjohle. Ke šetša dihlatse tša Ka. Ke šetša godimo ga Lentšu la Ka, gape, go Le phethagatša. Ke no se kgone go go dumela wa ya. Gobane, Ke a ya, Nnamong.”

¹¹⁹ Ba no ba e ka ba kgato e tee bjale, go ya tlase ka leubeng la mollo.

¹²⁰ A ga go makatše? Modimo o go dumelala go tla thwi go kgato ya mafelelo ya tsela. Go bonala o ka re ga A tshwenyege; O nno dula. Eupša O go šeditše. Ke nagana ka ge A be a lebeletše tlase

ka Babilonia. "Leihlo la gagwe le godimo ga phorogohlo, gomme ke a tseba O ntšheditše." O a le hlokomela. Hlokomelang.

¹²¹ Ka gona ke kgona go Mmona ge A phagama go tšwa Teroneng ya Gagwe ye kgolo. Diaparo tša Gagwe tša boprista di wetše go Mo dikologa. Gomme O lebeletše ntle kua, gomme ledimohlogo le legolo le letona le be le dutše morago ka lehlakoreng la leboa. Ke kgona go Mo kwa a re, "Etla mo, phefo ya bohlabela, phefo ya bodikela, leboa, le borwa. Ke nyaka go le namela, mosong wo." Di ttile ka tlase ga ledimohlogo lela le go tatagana godimo ka thoko ga—ga Terone. Gomme O gatetše godimo ga ledimohlogo le legolo le, a obeletše godimo gomme a swara legadima la manyokenyoke gomme a le thwantšha go kgabola mafaufau, ka mokgwa *woo*.

¹²² Gomme e ka ba lekga la mathomo ba dirile kgato yela ya mafelelo, go ya ka kua. O theogile ka Mohlare wa Bophelo, goba Moela wa Bophelo, gomme a topa mopalema wo mogolo bakeng sa sefehlamoya. Gomme ge ba thutše leuba lela la mollo, go be go le yo Motee boka Morwa wa Modimo a eme magareng ga bona; a futhela kgole moyana wohle wa mollo, kgole go tloga go bona, gomme ge ba eswa nako ye telele. Tša kgonthe, dihlatsa tša therešo!

Modimo o tla ema hleng le hlatse ya kgonthe. Yeo ke nnete.

¹²³ Morago, hlokomelang, ge phišo yohle e be e kgatlampana, gomme mollo o be o tuka, pelo ya kgoši yela e ile ya tshwenyega. O rile, "Eyang, bulang leuba, mohlomongwe, gomme le bone ge eba go ne melora e ka ba efe e šetšego." Gomme ge ba kukile go bula mojako, o tabogetše godimo, o rile, "Ke ba bakae le ba beilego ka kua?"

Ba rile, "Ba bararo."

¹²⁴ O rile, "Ke bona ba bane. Gomme yo Mongwe o lebega boka Morwa wa Modimo." A eme hleng le hlatse ya Gagwe.

¹²⁵ Modimo ka mehla o tla ema hleng le hlatse ya Gagwe. Amene. Le a tseba yeo ke therešo. Modimo o tla dira phapano, gomme o tla ema hleng le bao ba Mo hlatselago.

¹²⁶ Nako ye nngwe go be go le moisa yo monnyane ka leina la Dafida. O ile ntle, go iša diterebe tsoko tša makwapi go banababo, nako ye nngwe, ba bego ba le ntweng. Gomme tatagwe, Isai, o mo rometše ntle. Saulo e be e le kgoši. Baflisita ba be ba le ka lehlakoreng le tee gomme Baisraele ka lehlakoreng le lengwe; molapo gare ga bona, ka moela wa meetse ao a elago.

¹²⁷ Gomme bjalo ka ge diabolo ka mehla a dira, ge a nagana gore o na le seatla sa godingwana, ngwanešu, ka mnete o a e kgorometša.

¹²⁸ Kafao o bile le moisa yo mogolo bogolo fale, a ka ba kgato tše šupago goba kgato tše seswai botelele, mohlomongwe bontši gannyane, mohlomongwe dikgato tše lesome; magetla a magolo gagolo boka mojako wa ntlopokeloa; lerumo le legolo le tlhamo.

Gomme o eme ntle kua. O rile, “Bjale ke le botša se re ka se dirago. Ke nna hlatse godimo mo, bakeng sa Bafilisita. A re beng le hlatse go tšwa godimo fao. Gomme a nke masole a se ke a lwa, eupša a re tšwele ntle gomme re lwe. Gomme ge nka mmolaya, gona bohle le a re hlankela; ge a ka mpolaya, gona re tla le hlankela.”

¹²⁹ Le bona ka fao diabolo a dirago? Ge a nagana o na le seatla sa ka godingwana, o a ikgantšha, o a ipona, le go ya pele.

¹³⁰ Saulo, kgato tše šupago, yenamong, o be a boifa go ya go kopana le yena. Gomme madira a Israele a be a fentšwe, a eme morago ka mathoko a thaba, a lebeletše go kgabaganya.

¹³¹ Ka morago ga lebakana, mo go tla mošemane yo monnyane wa kgale godimo, a sepela go bapela kua. Yo monnyane, moisa wa kgale wa go bogega bohubetšwana; e sego yo mogolo kudu; yo monnyana, wa motšukutšukwana, moisa wa go lebega malabuhlana. Eupša go be go le se sengwe se rethetha ka tlase ga paki ye nnyane yela ya kgale ya letlalo la nku, seo ka moka ga bona ba bego ba se naso. O sepeletše godimo kua gomme a fa banababo diterebe tsoko tša makwapi gomme o be a bolela le bona ka ntwa.

¹³² Ka morago ga lebakana, tšitširipa ye kgolo ye e tlile ntle le go dira boikgantšho bja gagwe, feela ka nako ya go fošagala, o rile, “Ke mang a tla tlago godimo le go re lwantšha?”

¹³³ Gomme Dafida o rile, “Moisa yo ke mang?” O rile, “A le nyaka go mpotsa, le tla tlogela lešoboro lela la Mofilisita go ema ntle kua le go nyatša madira a Modimo yo a phelago? A re ka se be le yo mongwe go ema fale le go hlatse maatla a Modimo!” Bohle ba bona ba be ba tšhogile. O rile, “Ke tla ya.” Ke rata tlhohleletše yeo. “Ke tla ya. A nke ke mo lwantšhe.”

¹³⁴ Gobaneng, o sepeletše godimo. Ba mo išetše godimo go Saulo, gomme Saulo o rile, “Gabotse, monna yola ke mohlabani go tloga go bja gagwe... Gobaneng, o bile mohlabani go tloga bosweng bja gagwe, gomme ga o selo eupša moswa.”

¹³⁵ “Lebelelang!” Haleluya! Ke a e rata thwi fa. Dafida o rile, “Lebelela, mohlanka wa gago...” go Saulo. “Morena o ntirile ke bolaye bera, ka seragamabje se. O ntirile ke tšee putšane go tšwa molomong wa tau le go mmolaya. Ke mo swere ka maledu gomme ka e tloša go yena. Ke nna hlatse.” Haleluya! O be a le felotsoko. O be a bone se sengwe. O be a beile Maatla a Modimo tekong, gomme o be a le hlatse.

¹³⁶ Seo ke se re se hlokago lehono, ke tlhohleletše tsoko gape. Yeo ke nnete. Ee, mohlomphegi. O rile, “Ke nna hlatse ya se ke bolelago ka sona.” Haleluya! Seo ke se Kereke ya Modimo wa go phela e se hlokago lehono, ke hlatse ye e bego e le mafelong, e bone se sengwe, le go tseba se ba bolelago ka sona.

¹³⁷ O rile, “Ke nna hlatse ya Maatla a Modimo. Bera e ile godimo go swara putšane, gomme ka mmolaya.” O rile, “Gomme tau e kitimetše godimo le go swara ye nngwe. Ke mo swere ka maledu le go mmolaya.” O rile, “Gomme Modimo yo a nthušitšego go bolaya bera le tau, a ka go fetišiša A ka se neele lešoboro le la Mofilisita ka diatleng tša ka?” Haleluya!

¹³⁸ Ka matšatšing ge ba re, “Matšatši a mehlolo a fetile.” Ge ba re, “Bodumedi bja nako ya kgale bo ka se tšee gape; bjoo e be e le se sengwe sa rakgolo le makgolo.” Ngwanešu, ke thakgetše, bošegong bjo, gore go ne dihlatse tše rilego tša Moya wo Mokgethwa wa fešene ya kgale, bolou bja lefaufau, bodumedi bja go bolaya sebe, bjo bo bolayago yona tlhago le maatla a Adama a diabolo, gomme pelo ya gago e ka hlweka. Haleluya! Oo! Hlatse! Kafao, oo, nna!

O re, “Batho ba lešata kudu.”

¹³⁹ Gobaneng, ba ne se sengwe go ba lešata ka sona. Kgonthe. Theetšang, ke tla netefatša go lena gore bodumedi bja Beibele ka mehla bo bile lešata. Ee. Modimo o boditše Jobo, o rile, “O be o le kae ge . . .” Jobo o naganne o be a le monna yo mogolo. “O be o le kae ge Ke Bea motheo wa lefase?”

¹⁴⁰ Yo mongwe, letšatši le lengwe, o rile, “Ngwanešu Billy, a o sa rera bjo bongwe bja mohuta wo moswa wola wa bodumedi o nago nabjo?”

¹⁴¹ Ka re, “Aowa, mohlomphegi. Ke rera bodumedi bja kgalekgale bo kilego bja ba gona, gomme bjona bo nnoši bo lego gona ka kgonthe, gomme bo ne phološo ka go bjona.”

¹⁴² “A mangwe a ao, mohuta wola wo moswa,” o rile, “ga se re be le woo fa mengwaga e se mekae ya go feta.”

Ke rile, “A nke ke go botše, ngwanešu, Ke bjo bogologolo go feta ka mo lefase le lego.”

¹⁴³ Yeo ke nnate. “Jobo,” o rile, “o be o le kae ge Ke Bea metheo ya lefase, ge dinaledi tša meso di opela mmogo gomme barwa ba Modimo ba goelela ka lethabo?” Dimilione tša mengwaga pele ga motheo wa lefase! Amene! Fše! Yeo ke nnate. Hlatse! [Ngwanešu Branham o phaphatha diatl tša gagwe mmogo gatee.]

¹⁴⁴ Gobaneng, ge Arone, moprista yo mogolo, ge a ile ka go Sekgethwakgethwa, a swere madi, ba ile ba swanelo go mo apeša ka tsela ye e itšego, gomme o ile a swanelo go sepela ka tsela ye e itšego. O ile a swanelo go ba hlatse bakeng sa Modimo. Gomme o tšere madi gomme o ile pele. Gomme go merumo ya diaparo tša gagwe, kua tlase, go be go le pele le tlhwatlhwadi, pele le tlhwatlhwadi. Gomme o ile a swanelo go sepela mo e lego gore yeo e be e raloka, “Mokgethwa, mokgethwa, mokgethwa, go Morena.” Bolela ka bokgethwa! Gomme lebaka le pele yela e bego e lla kgahlanong le tlhwatlhwadi, e bile tsela e nnoši yeo ba tsebilego gore Modimo o be a se a mmolaya. Tsela e nnoši yeo a

tsebilego o be a phela, ge a be a le morago fale, ba be ba kgona go theetsa le go kwa pele, go kwa lešata.

¹⁴⁵ Ngwanešu, ke a go botša, re hloka ditlhwatlhwadi le dipele di rethetha mmogo, bosegong bjo, ka mokgwa woo, ka lešata la lethabo go Morena, bjalo ka hlatse. Modimo o sa phela le go ren! Amene! Nnete! Ke mohuta ofe wa hlatse? Bona ba hlatsela boka ba nameletše godimo go kamora yela ya ka godingwana, godimo kua, gomme ba hweditše kolobetšo ya Moya wo Mokgethwa. Ba be ba dirile tlhwatlhwadi le pele, go tla mmogo. Ba be ba thekesela boka banna ba go tagwa, ka tlase ga khuetsa ya Moya wo Mokgethwa. Modimo o sa ne dihlatsa, gomme ke bona selo sa go swana. “Le tla ba dihlatsa Ka tša Maatla a, ka Jerusalema, Judea, le Samaria, le Jeffersonville, Indiana.” Amene! Haleluya! Hlokamelang!

¹⁴⁶ Dafida o rile, “Le nyaka go mpotša lešoboro lela la Mofilisita,” go sego bjalo, “wa go se be bokriste, monna yola yo a sa...”

¹⁴⁷ Lebollo ke eng? Monna yola ntle fale ka Moya wo Mokgethwa.

¹⁴⁸ “Le tšohle diD.D. tša gagwe, a ka kgona go ema le go nyatša Modimo yo a phelago?” Oo, nna! “A ka kgona bjang go e dira?” O rile, “Ke lešoboro.”

¹⁴⁹ Bjale re bolotšwa ke Moya wo Mokgethwa. Moya wo Mokgethwa ke lebollo la ren. Gomme le nyaka go mpotša gore le dumelela Dingaka tše tša Bokgethwa, le Ph.D., le D.L.D., le D tše pedi, ba ema ntle kua gomme ba re botše gore “bodumedi bja nako ya kgale ga bja loka”? Ge, kolobetšo ya Moya wo Mokgethwa e netefatša gore Ke nnete. Ba re, “Batho ba ka se tle.” Ee, ba tla dira. Amene.

¹⁵⁰ Johane Mokolobetši wa kgale, ge a thoma go rera, o be a le moreri yo mogologolo go lebaka lohle. O be a le monna yo bonolo kudu. O ile ka lešokeng ka mengwaga ye senyane bogolo. Ga se a hwetša Ph.D. Eupša o dirile eng? Ga se a ke a tšwela ka ntle ka kholoro ye e retolotšwego go dikologa, goba—goba a tseba *Theto*, goba *Thutotumelo ya Baapostola*. Eupša o be a le hlatse ya Modimo. Ge a etla go tšwa lešokeng la Judea, o rerile Ebangedi ye bjalo, ka letlalo la nku la kgale le tatilwe go mo dikologa, ka mokgwa wo.

Oo, nna! Eupša o huduile dikgao tšohle tikologong go rarela Jerusalema, le Judea, le go dikologa Jorodane. Gobaneng? O rerile Kriste; e sego ka go taba ya histori, eupša ka go tiragalo ya bjale, ntlha ya nako ya bjale. Haleluya!

¹⁵¹ Lehono re rera histori, gohlegohle lefaseng, le tsogo ya Kriste. Eupša go reng ka wena bjalo ka motho ka motho, ka pelong ya gago, a o tsogile ka Bophelo bjo boswa? A bophelo bja kgale bo hwile?

¹⁵² Dafida o rile, “Le ya go tlogela lešoboro lela la Mofilisita go ema ntle kua le go bolela dilo tše bjalo? Gobaneng,” o rile, “ke tla ya go lwa le yena.”

¹⁵³ Kafao, selo sa pele le a tseba, Saulo o rile, “Gabotse, ge o ikemišeditše go ya, ke tla go fa tlhamo ya ka—ya ka. Ke tla go fa kotse ya ka, helemete ya ka le tšoša ya ka.” Oo, nna!

¹⁵⁴ Theetšang, ge Dafida yo monnyane a hweditše selo sela se segolo bogolo, ke a eleletša, magetla a mannyane a ka ba ka mokgwa *wola*, gomme wona magetla godimo ga sephemo sela, e ka ba ka mokgwa *wola*, goba, sephemafega sela, ba se beile godimo, gomme moisa yo monnyane wa go šokiša o be a sa kgone go sepela.

¹⁵⁵ Theetšang. Re hweditše gore kotse ya bokereke e ka se lekane monna wa Modimo. Yeo ke nnene. Thutamodimo yohle ya gago e ka se lekane Maatla a Modimo. Ga o hloke thutamodimo. Ga o hloke thuto. Se o se hlokago ke pelo ye e neetswego, go Lentšu la Modimo, go ba hlatse ya mmapape.

¹⁵⁶ E be e ka se lekane monna wa Modimo. O rile, “Tlošang selo se go nna. Ga ke hloke ya lena Ph.D.” Amene! O rile, “Ke nna hlatse!” Ya eng? O rile, “Ga se ka tsoge ka leka mohuta wo wa dilo. Ga ke tsebe selo ka thutamodimo ya gago. A nke ke ye, ka tsela ye Morena a ntlhakodištego go tšwa go tau le bera.”

¹⁵⁷ Seo ke se ke se bolelago lehono, ngwanešu. “Le se ke la ntumelela go ya ka saekolotši ye e itšego, eupša a nke ke ye ka kolobetšo ya fešene ya kgale ya Moya wo Mokgethwa ye e nntšitšeego molomong wa Baptist gomme ya ntlhakodiša. A nke ke ye ka mokgwa woo.”

¹⁵⁸ “Oo,” o rile, “Nka se kgone go ya ka tšohle tše ke sego ka ke ka di leka. Ga ke tsebe selo ka yona. Ke tla tseba bjang mokgwa wa go ema le go bušeletša dithutotumelo tšohle tše le se sengwe le se sengwe boka seo? Ga ke tsebe selo ka yona.” O rile, “Tlošang selo go nna.”

¹⁵⁹ Kafao ba se tlošitše. O ikwetše botse gabotse. O obeleditše morago gomme a topa seragamabje sa gagwe se sennyane. O ikwetše boka go kitima. Le tseba ka fao o ikwago ge o swara seragamabje sa gago ka seatleng sa gago. O lebeletše godimo kua.

Gomme Goliate o rile, “O ya go dira eng ka sona?”

¹⁶⁰ Dafida o rile, “Ke etla.” Amene. A topa seragamabje sa gagwe se sennyane, a kitima go theoga go kgabaganya nokana gomme a itopela maswika a mahlano. A bea le tee la wona ka kua, a se tatolla ka diatleng tša gagwe.

¹⁶¹ Gomme Goliate o rile, “A le nyaka go mpotša gore mopshikologimokgethwa yo monnyane yola, goba, le a tseba, moisa yo monnyane yola ntle le thu... goba e ka ba eng a lego, o tla fale go kopana le nna?” O rile, “Nna, ka digrata tšohle tša

ka le tšohle, gobaneng, ebole nka se kgone go fetša nako ya ka le yena. Go bolela ka phodišo Kgethwa, go bolela ka Maatla a Modimo, go bolela ka phološo; ebole nka se kgone go tšea nako ya ka le yena.” Eupša o be a le hlatse ya se a bego a bolela ka sona.

¹⁶² Ge eba monna goba mosadi a le hlatse ya se ba bolelago ka sona, le se tshwenyege, ba tla swanelo go tšea nako, gobane nako ya go bolaya kolobe e tla be e kgatlampana, ngwanešu, dipoto tša go karapa di tla be di le ntle. Yeo ke nnete. Ee, mohlomphegi. Go lokile.

¹⁶³ O beile leswika lela le lennyane la kgale fase ka go seragamabje sela. So o ile, go kgabaganya lekala le godimo ka godimo ga thaba, a kitima go kopana le yo.

¹⁶⁴ “Gobaneng,” o rile, “lebelela!” O rile, “O kopana le nna bjalo ka . . .” O rile, “Gabotse, wena, ke tla go topela godimo ka ntliha ya lerumo la ka,” go molaleng masometharo goba masomenne a dikgato botelele. O rile, “Ke tla go topela godimo kua gomme ke tla neela nama ya gago go dinonyana, go ja, lehono.”

¹⁶⁵ Lebelelang Dafida, hlatse bjale. O tsebile se a bego a bolela ka sona. Kganetšo e be e le kgahlanong le yena. Kgonthé, e be e le kgahlanong le yena. Eupša o tsebile o bile. . . O be a le hlatse. O tsebile se a bego a bolela ka sona.

¹⁶⁶ Kafao o rile, “O kopana le nna bjalo ka Mofilisita, ka leina la Mofilisita, ka tlhamo le ka lerumo. Eupša ke tla kopana le wena Leineng la Morena Modimo wa Israele.” Amene. Yeo ke phapano. Seo ke se se dirilego phapano. Gomme o rile “lehono” o tla “bolaya.”

Gobaneng, tšitsiripa e mo segile, gomme ya ya go mmolaya.

¹⁶⁷ Dafida yo monnyane o a thoma. Ge a fihla e ka ba ka go mmetšo wa seragamabje, o bile. . . Setšang, o bile le matlapa a mahlano, J-e-s-u, a phuthetšwe ka menwana ye mehlano, t-u-m-e-l-o. Ngwanešu, o ne selo go šoma gabotse, go dikologa le go dikologa le go dikologa.

¹⁶⁸ Gomme ge o hwetša tumelo ka go Jesu Kriste, o šoma ka go mosepelo wo o tšwelagopele ka soulong ya gago, se sengwe se ya go direga. Sebe le bolwetši di tla tloga go wena; bodiabolo ba tla šwalalana boka mafele lebatong nakong ya selemo, ge seetša se gotetšwa.

¹⁶⁹ Šo o a tla, t-u-m-e-l-o ka go Jesu. Šo o a tla, “Ke kopana le wena Leineng la Morena Modimo wa Israele,” gomme a thoma go hwidinya seragamabje sela go dikologa, Moya wo Mokgethwa o thuntše leswika lela thwi godimo go Mofilisita yola gomme le mmolaille. Dafida o tšere tšoša ya gagwe mong gomme a ripa hlogo ya gagwe, a e swarela godimo, a re, “Etlang pele, bašemane!” O rile, “Še yona. Ke le boditše Modimo o tla e dira.” Haleluya!

¹⁷⁰ O be a le hlatse. O tsebile se a bego a bolela ka sona. O be a e lekile. O be a e netefaditše. O be a sa tsebe selo ka tlhamo le lerumo, eupša o tsebile se a bego a na le sona ka seatleng sa gagwe. Modimo o be a na le yena.

¹⁷¹ Ga ke tsebe, ga re tsebe, ka dikgopololo tšohle tše kgolo tša gago le dilo boka tše. Eupša re tseba se Moya wo Mokgethwa o lego, gomme re tseba se O re direlagoo, kafao re nyaka go ba hlatse. Bjale le swanetše go ya go O hwetše, pele, pele le ka ba hlatse.

¹⁷² Go bile le moisa, nako ye nngwe, ka leina la Eliya. Modimo o be a na le yena. O bone Modimo, ka melekong ye megolo, o bone Modimo a dira dilo. Kafao o bone sebe se etla godimo ga setšhaba, kafao o rile, “Bjale motsotsotso feela.”

¹⁷³ O ile godimo kua gomme a rapela, gomme Modimo a mo fa bohlatse. O rile, “Bjale eya tlase gomme o botše kgoši gore le phoka e ka se we ntle le ge ke . . . ntle le ge o e bitša.”

¹⁷⁴ O ya tlase le go botša kgoši yela. O ile godimo kua, le go dula fase. O . . . gomme kua . . .

¹⁷⁵ Gomme a le kgona go eleletša? Ke kgona go kwa ba bangwe ba batho ba re, “Mokgalabje yola o palegile ka hlogong ya gagwe. Le a bona? Gobaneng, o re ga go ye go ba pula go fihla a e bitša.”

¹⁷⁶ Eupša o be a le hlatse ya Modimo. (Le a bona?) O tsebile se a bego a bolela ka sona. O tsebile se Modimo a bego a tla se dira, ka gore Modimo ka mehla o boloka Lentšu la Gagwe. Gomme Eliya o tsebile seo. Kafao, o tsebile Modimo o mmoditše e be e sa ye go na, kafao o ile le go bolela e be e sa ye go na.

¹⁷⁷ Ge Modimo a rile, ge le ka kgona go amogela kolobetšo ya Moya wo Mokgethwa, gona eyang le O hwetše. Ge Modimo a re phodišo ke ya gago, gona eya o e hwetše. Ge o le hlatse, eya pele, Mo hlatsele. Modimo o e tshepišitše; A ka se kgone go aketša. Ga go kgathale se ba se bolelagoo, “Matšatši a mehlolo a fetile,” seo, e no lesa seo se sepele. Ke Lentšu la Modimo re le tšeago, e sego la yo mongwe gape.

¹⁷⁸ Ke kgona go bona, selo sa pele le a tseba, mo go tla Eliya wa kgale, o ile godimo kua.

¹⁷⁹ Gomme o rile, “Lebelela mokerenko wola wa kgale bjale! O ile godimo, ntlhoreng ya thaba kua, gomme a dula fase kgauswi le nokana yela, Kerithe. A ponagalo ya go lebega go šokiša, mokgalabje yola godimo kua; a matelele, maledu a mapududu. Gomme a ka ba bogolo bja mengwaga ye masomešupa, gomme lepara ka seatleng sa gagwe. Legapana le lennyane la oli; gobaneng, o tla hwa ka tlala, godimo kua.”

¹⁸⁰ Eupša, ka morago ga lebakana, komelelo e tlile, gomme ya thoma go sepelela pele. Gomme le a tseba, bona batho tlase kua, ba ba bego ba gopola gore o be a tsphereane, ba diregile go lemoga gore godimo kua o be a eja dijo tše tharo ka letšatši, a na le nako ye botse. Ee. O be a le kaonana go phala batho ba bantši ka fa

bošegong bjo. O bile le barwadi tsoko. Yeo ke nnete. Barwadi ba tlide kgauswi, magokubu a tlide kgauswi letšatši le lengwe le le lengwe, gomme a mo tlišetša disangwetše, a mo fa yona bakeng sa difihlolo tša gagwe.

¹⁸¹ Moisa yo mongwe o rile, e sego telele go fetile, o rile, “Moreri, a o ra gore o dumela seo?”

Ke rile, “Ee, mohlomphegi.”

O rile, “O ra go mpotša gore o dumela gore o jele?”

Ke rile, “Ee, o e dirile.”

“O dira bjang . . . O hweditše hlapi kae?”

Ke rile, “Ga ke tsebe.”

“O hweditše borotho kae?”

Ke rile, “Ga ke tsebe.”

O rile, “A o nagana o ile lepakeng?”

¹⁸² Ke rile, “Nka se kgone go go botša. Eupša, selo se nnoši ke se tsebago, magokubu a bo tlišitše. O bo jele, o be a leboga bakeng sa bjona, le go dira se Modimo a mmoditše go se dira.”

¹⁸³ Yeo ke tsela ya go swana ka kolobetšo ya Moya wo Mokgethwa. O re, “Ke eng e dirago bona batho go goelela?” Ga ke tsebe. “O ra go reng?” Ke Mana a tšwago go Modimo, go tšwa Legodimong. “A o ra gore gabotse o ikwela se sengwe? Ga ke se dumele.” Gabotse, ga wa swanela go dira. Moya wo Mokgethwa o a A tliša. Ke no A ja, le go kgotsofala, le go goelela le go ba le nako ye botse. A nke lefase le ye le go dumela se ba nyakago. Moya wo Mokgethwa! “Eupša O A hwetša kae? Mana a tšwa kae? Ke kae mo e ka ba eng e tšwago moyeng, ye o sa kgonego go e bona?” Ga ke tsebe, eupša A fihla fa. Amene.

¹⁸⁴ A o hlatse ya Ona? A o latswitše, Morena o lokile? A o tseba se o bolelago ka sona? Kolobetšo yela ya Moya wo Mokgethwa e no ba kgonthe bjalo, bošegong bjo, bjalo ka ge bophelo bja gago bo le, Maatla a Modimo go ya phološong. Kgonthe, A lokile.

¹⁸⁵ O dutše fale le go ja. Ge a loketše go nwa, o nno tepogela ka thoko ga nokana gomme o nwele, e be e le phetho. Gomme ba naganne o be a tshereane. Aowa. O be a le hlatse ya Modimo. Yeo ke nnete.

¹⁸⁶ Gomme selo sa pele le a tseba, ge nokana e omile, O rile, “Bjale ke lokišitše mohlologadi go go hlokomela.” Nna, a lefelo bakeng sa moreri go ya, ntlong ya mohlologadi! Eupša Modimo o rile, “Ke—ke e lokišitše.” Ka fao o ya tlase kua. O be a swanetše go ba hlatse tlase kua. Ka fao mohlologadi yo . . .

¹⁸⁷ Kafao o ya tlase fale, gomme o be a sepela go bapa go theoga mokgotha. Go ya ka pono, o be a swanetše go bona mosadi ka jarateng, ke a nagana. O bone mosadi ka jarateng, o rile, “Yoo ke yena, kafao ke tla no sepela kgauswi.”

¹⁸⁸ O rile, “Sepela, ntlišetše seno se sennyane sa meetse, le le—le lerathana la bupi, goba—goba kuku,” a ke re, “ka seatleng sa gago.”

¹⁸⁹ O rile, “Bjalo ka ge Morena a phela, gomme soulo ya gago e sa tsoge ya hwa,” o rile, “ke na le feelsa bupi bja go lekanel ka serotwaneng, le oli ya go lekanel ka sedibelong, go dira kuku e tee ye nnyane. Gomme ke ntle mo ke a paka . . . ke tsea diphata tše pedi. Gomme,” o rile, “gomme ke ya go itirela kuku le morwa wa ka. Gomme, ka pela ge re eja yeo, re a hwa.”

O rile, “Sepela, ntseele kuku pele.” Amene.

¹⁹⁰ “Nyakang pele Mmušo wa Modimo.” A le kile la hlatsela seo go ba therešo? Bea Modimo pele. Lefa dikarolo tša gago, pele. Lefa se sengwe le se sengwe, pele. Lefa Modimo. Rapela pele, mosong. Rapela, gohle go kgabola letšatši. Efa Modimo lefelo la pele ka go se sengwe le se sengwe. O tla ba hlats.

O kitimela thwi ka gare. O be a na le diphata tše pedi.

¹⁹¹ Ka tsela ya ka bohlabela ya kgale, ba be ba šomiša diphata tše pedi. E be e le diphata tše pedi, di phekagana, ka mokgwa wo, gomme mollo o be o le bogareng. Maindia ba sa e šomiša, gomme ba šuthišetše dikota godimo ge ba eswa. Seo e be e le sefapano, Kriste, moo mollo o bego o le bogareng.

¹⁹² Ba be ba tsea moneelo wo monnyane wa bupi, ba bea bupi bjola bja go šilwa, bjohle bo be bo šitšwe go no swana, “Jesu Kriste wa go swana maabane, lehono, le go ya go ile.” Ba tshollela oli ka gare, e bego e le Moya wo Mokgethwa. Gomme ba E hlakanya mmogo, Moya wo Mokgethwa le Kriste; go ya go dira mohuta tsoko senkgwa bjale, ngwanešu! Amene. Oo! [Ga go selo go theipi—Mor.] Le se nagane ke tshereane. Ke no ba wa bodumedi, bošegong bjo. Go lokile.

Hlokamelang, “Ntirele senkgwa se sennyane, pele.”

¹⁹³ Kafao o tšere moneelo wa bupi, Kriste, o tšhetše Moya wo Mokgethwa ka go wona, gomme a o hlakanya, gomme a o bea godimo ga sefapano gomme a o apea. Oo, ngwanešu, bolela ka senkgwa, e be e le se sengwe sa tšona!

¹⁹⁴ A tšwela ntle, gomme a tliša senkgwa se sennyane, le lerothi la mafelelo la meetse a bilego le wona. Gomme moprefeta o eme fale le go se ja, le go nwa meetse. O rile, “Bjale eya morago gomme o dire e tee bakeng sa gago le morwa wa gago. Ka gore, O RIALO MORENA, serotwana se ka se ke sa thinthega, le sedibel se ka se gope, go fihla letšatši le Modimo a romelago pula godimo ga lefase.”

¹⁹⁵ Eng? Hlatse. Yeo ke nnete. Mohlologadi yola o be a le hlats ka nageng.

¹⁹⁶ Ka morago ga ge moprefeta yo mogolo yola a tšerwe, gomme Eliya o tšere; lefelo la gagwe, Eliya o tšere lefelo la Eliya.

¹⁹⁷ Oo, ke kgona go eleletša mohuta wo wa hlatse. Letšatši le lengwe, o thomile go tloga, gomme o bone Eliya. Gomme o lahletše kobo ya gagwe godimo ga gagwe, le go mo šegofatša, gomme o bolaile pholo le go dira sehlabelo, go laetša gore dilo tšohle tša lefase di be di hwile, ka morago ga gagwe.

¹⁹⁸ Yeo ke tsela ya go tla go Modimo. Bolaya se sengwe le se sengwe ka morago ga gago. Tšhuma maporogo ohle. O se bee lebotlelo lela godimo gore o le hwetše gosasa. Gomme o se bee selo se sengwe se godimo gore o se hwetše gosasa. Fediša selo; se tšhume. Amene. Eba hlatse ya kgontha. Tšwela ntle, ngwanešu, ka maoto a go se rwale. Yeo ke tsela. Ntshwareleng ditlhagišo tšela, eupša yeo ke tsela e nnoši ke tsebago mokgwa wa go e bolela. Go lokile, kafao bjale le—le... Dilo di ya go direga tikologong fa. Go lokile. Hlokamelang.

¹⁹⁹ Morago o thomile go tloga Giligala, gomme o ile pele sekolong sa baprofeta. Gomme ke nyaka le hlokomele, ge a fihla godimo kua sekolong sa baprofeta, o rile, “Morena o ntlhahla go ya Jorodane.”

²⁰⁰ Magato a mararo ao Elisa a latetšego Eliya. Gomme Eliya e be e le sekai sa Kriste; Eliya. Elisa, sekai sa Kereke. “Ke ya godimo Giligala,” pele, tokafatšo ka tumelo. Gomme morago o rile, “Bjale wena šala mo,” go Kereke. Eliya, Elisa; go Eliya... Yo moswa le moprefeta wa kgale, sekai sa Kriste le Kereke.

²⁰¹ O rile, “Bjalo ka ge soulo ya gago e phela, nka se šale fa, eupša ke ya le wena.”

²⁰² Gomme o ile godimo Giligala. Gomme ge a fihla godimo fale, o rile, “Bjale wena šala fa. Morena o mpiletša godimo go sekolo sa baprofeta.”

²⁰³ Kafao o rile, “Bjalo ka ge Morena a phela, gomme soulo ya gago e sa tsoge ya hwa, Ke ya le wena. Nka se go tlogele.”

²⁰⁴ Yeo ke Kereke. Le a bona? Beang mahlo a lena go Jesu. E ka ba kae A sepelago, eya. Ge A eya ka ntla ga kereke ya Methodist, eya pele thwi le Yena. O ya ka ntla ga kereke ya Baptist, eya thwi pele le Yena. O ya ka ntla ga Tabarenekele ya Branham, eya thwi pele le Yena. “Nka se go tlogele! Ga go kgathale moo mama a lego wa gona, moo papa a lego wa gona, moo se se diregilego, goba se sengwe; Ke tla ya le Wena. Nka se Go tlogele!” Haleluya! “Ke nna hlatse ya Gago. Nka se kgone go ya; O karolo ya ka.”

²⁰⁵ “Etla pele, gomme ke tla latela.” Gomme o ya sekolong sa baprofeta.

Gomme o rile, “O šala fa.”

²⁰⁶ Gomme ba bangwe ba baprofeta ba rile go Elisa, o rile, “A o a tseba mong wa gago o tla tšewa go tloga go wena?”

²⁰⁷ O rile, “Ke a e tseba. Eupša homola.” Amene. Ke rata seo. “Ke ya go dula thwi le yena, ga go kgathale se ka moka ga bona ba se bolelagoo.”

²⁰⁸ Gomme Eliya o retologile go dikologa gomme o rile, “Bjale wena leta fa, gobane Modimo o nthomile Jorodane.”

²⁰⁹ Mafelo a mararo. Tokafatšo, Giligala; tlhwekišo, sekolo sa moprefeta; le go kolobetšo ya Moya wo Mokgethwa, ka Jorodane, moo Jorodane e emelago lehu. Hlokamelang! Martin Luther; John Wesley; Pentecost, go theoga go ya Jorodane, nako ya go hwa.

²¹⁰ Kafao, Eliya, o sepetše thwi go theogela nokeng, le Elisa. Gomme ge ba fihla tlase Jorodane, lehu, legato la mafelelo la leeto; moprefeta wa kgale o obeleditše godimo gomme a hlobola kobo ya gagwe, a ratha meetse, gomme meetse a aroganelo ka mo le ka mola, gomme ba babedi ba sepela go kgabaganya, ba be ba le godimo ga naga ya go oma. Bareri ba eme kgole, gomme ba ba lebeletše ba eya go kgabaganya. Amene.

²¹¹ Ge ba fihla ka lehlakoreng le lengwe, bjale, morago! Oo, ke a holofela se se nwelela ka go Tabarenakele ya Branham, thwi go theogela mokong wa lerapo. E sego ge a be a le ka Giligala; e sego ge a be a le sekolong sa moprefeta; ebile le ge a be a le ka lehlakoreng le la Jorodane; eupša ka morago ga ge a tshetše Jorodane, go mo latela kgato ye nngwe le ye nngwe ya tsela.

²¹² O a rata; o re, “Ke amogela Jesu bjalo ka Mophološi wa ka wa sebele. Ke tla tlogela mekgwa ya ka ye mebe.” Eupša etla tlase Jorodane, moo o swanetšego go hwa; moo dilo tšohle tša lefase, bagwera bohole ba gago le se sengwe le se sengwe, ba go tlogetšego. Bea leihlo la gago go Yena a nnoši.

²¹³ Gona eng? O rile, “Ke ya go ya le wena, thwi go kgabola Jorodane.” Amene. Ke rata seo. Gobaneng? “Ke ya go ba hlatse ya se,” gomme o fetile go kgabola Jorodane.

²¹⁴ Hlokamelang. Še yona. Ke nyaka le e hwetše. Ka morago ga ge a tshetše Jorodane, ka gona o rile, “O tla rata ke go direle eng?” Seo ke se Kriste a nyakago go se tseba ka kereke, bosegong bjo. “Ka morago ga ge o arogane go tloga go dilo tša lefase, ka morago ga ge o bile sebopiwa se seswa ka go Kriste Jesu, ka morago ga ge o tswetšwe gape, o tladišwe ka Moya wo Mokgethwa, o tsheletše mošola wa Jorodane, dilo tšohle tša lefase di hwile, ka morago ga gago; bjale kgopela se Nka go direlago.” Ke rata se.

²¹⁵ O rile, “Gore karolo ya go menagana gabedi ya Moya wa gago e tle godimo ga ka.” Moreri yola o be a tseba se a bego a bolela ka sona. “Karolo ya go menagana gabedi, ka baka la gore ke nyaka go hlatsela seo kudu go feta.”

²¹⁶ O rile, “O kgopetše selo se sethata. Eupša ge o ka mpona ge ke tloga, go tla ba. Se o se kgopetšego o tla ba le sona.” Bjale, ngwanešu, o bolela ka moreri a šeditše yo mongwe; ka kgonthe o be a mo šeditše!

²¹⁷ Seo ke se Kereke e swanetšego go be e se dira bosegong bjo, bakeng sa karolo ya go menagana gabedi ya Moya, ke go šetša

Kriste, go šetša Moya wo Mokgethwa, ka tsela ye O sepelago. Hlokamelang.

²¹⁸ O rile, “O kgopetše selo se sethata.” Eupša o be a ka se kgone go bea leihlo le tee godimo ga lefase le leihlo le tee godimo ga Eliya. O ile a swanela go bea mahlo bobedi thwi go otlologa go Eliya, le go mo latela.

²¹⁹ Bothata bja yona ke, bošegong bjo, re na le batho ba bantsi kudu ba Bakriste, ba ipolelago Bakriste, ba na le leihlo le tee lefaseng gomme le lengwe godimo ga sefapano. O tla wa, ka nnete bjalo ka lefase. A nke mahlo a gago a be a tee, a nke pelo ya gago e be e tee, a nke dikgopololo tsa gago di be di tee. Amene. Ngwanešu, seo se fogohla ka gare, eupša seo se a gobatša, eupša ke se sebotse.

²²⁰ Rena, bjalo ka digotlane tše nnyane, re be re fela re swanetše go nwa kastroli, nako yohle. Mama, morago fale, o be a fela a mpha kasteroli, gomme ke be ke tla swara nko ya ka le go potla. O be a tla re, “Hani, ge e . . .”

Ke be ke tla re, “Selo sela se ntira ke sellege kudu!”

²²¹ O be a tla re, “Ge e sa go beleke, ga e go dire botse bjo bo itšego.”

²²² Kafao, mohlomongwe, šele yona. Mohlomongwe, Ebangedi, a E ka kgona go dirišwa ka tsela ye e swanago? Ge E sa go hidue gohle, E ka se go dire botse bjo bo itšego.

²²³ Bea mahlo a gago go Kriste. Tšwelapele o eya pele. Se kgathale se lefase le se bolelago. Tšwelapele o eya pele. “Bao e lego barwa ba Modimo ba hlahlwka ke Moya wa Modimo.” A yeo ke nnete? “Kagona bjale ga go na go lahlwa go bona bao ba lego ka go Kriste Jesu, bao ba sa sepelego ka nama, goba dilo tša lefase, eupša ka morago ga Moya.” Ga go go lahlwa; go sepelela pele. Bjale hlokamelang.

²²⁴ Gomme ge a be a tšeelwa godimo, ka morago ga lebakana koloi ya Mollo ya tla fase, ya topa Eliya, gomme a gata godimo ga yona. Gomme ge a eya godimo, a apola seaparo sa gagwe, ka mokgwa *wo*, gomme a se lahlela morago, gomme se wetše fase, ge dipere tsa . . . gomme koloi ya Mollo e mo rwlele go tloga.

²²⁵ Oo, ke nyaka le hwetše se bjale. A sekai se sebotse! Elisa, moprofeta yo moswa nako yeo, yena yo a bego a le hlatse ya gagwe, go maatla ohle ao a a dirilego. Dilo tšohle tše Eliya a di dirilego, Elisa o be a le hlatse ya gagwe. Ka gona o topile kobo ya go swana, a e lahlela godimo ga magetla a gagwe mong, a thoma go sepela go theoga go leba Jorodane; sa go phethagala, sekai se sebotse. O sepeletše tlase Jorodane, a hlobola kobo, o e swere ka diatleng tša gagwe, gomme a ratha meetse. O rile, “Modimo wa Eliya o kae?” Gomme meetse a arogane, go tloga lehlakoreng le tee go ya go le lengwe. Sekai sa Kereke e latela Jesu, go boneng maatla a Gagwe, go boneng mehlolo ya Gagwe.

²²⁶ Gomme Yena, letšatši le lengwe, o kgopetšwe. Ba bangwe ba rile, a nke . . . Mosadi yo motee o rile, “A nke morwa wa ka a dule ka seatleng se setona, gomme yo mongwe ka go sa nngele.”

O rile, “A o ka kgona go nwa komiki ye Ke e nwago?”

O rile, “Ee.”

“A o ka kolobetšwa ka kolobetšo ye Ke kolobeditšwego ka yona?”

O rile, “Ee.”

²²⁷ O rile, “Therešo, o tla dira; eupša seatla se setona le seatla se setshadi, ga se sa Ka . . .” Ka mantšu a mangwe, “Kolobetšo ya go swana ye Ke nago le yona, le tla ba le yona, le lena.”

²²⁸ Gomme ge Kereke e Mo šeditše, ge A ile go Pentecost . . . O ile go kamora ya ka godingwana gomme O bile le selalelo. O ile ntle Khalibari, a bapolwa. Gomme ka gona ge Kereke, e bileditswe ntle, e Mmogetše, ge A ile pele ga thotogelo ya Gagwe, a eya godimo. O rile, “Bjale Ke ya go le romela ka go dikarolo tšohle tša lefase, go ba hlatse go Nna. Eupša pele le eya, letang godimo mošola ka toropongkgolo ya Jerusalema; gobane, seaparo se sa go swana sa Moya wo Mokgethwa seo se lego godimo ga Ka, se ya go tla tlase go lena. Ke ya go O romela morago.”

²²⁹ Gomme ba ile godimo toropongkgolo ya Jerusalema, haleluya, gomme fao ba kolobetšwa ka Moya wo Mokgethwa wo o swanago wo o bego o le godimo ga Jesu Kriste. Haleluya! “Gona le dihlatse tša Ka, bjalo ka ge Jesu Kriste e le wa go swana maabane, lehono, le go ya go ile.”

²³⁰ Gomme Moya wo Mokgethwa wa go swana o be o le godimo ga moprefeta Elisa, Eliya, o be o le godimo ga Elisa ka karolo ya go menagana gabedi. Gomme rena, bošegong bjo, bjalo ka kereke ya Modimo, ngwanešu, kgaetšedi, yo a tleleimilego go atla dirimi tša komiki ye e šegofetšego ya tšhegofatšo ya Gagwe, ka kolobetšo ya Moya wo Mokgethwa o wela godimo ga rena le go re godiša, o re kolobeletša ka Moyeng wa Gagwe, gomme re eya ntle bjalo ka dihlatse tša Gagwe. Re ka kgona bjang go swara khutšo ya rena ka letšatšing la go swana le le, ge tshenyego le dilo di le ka lehlakoreng le lengwe le le lengwe! A re emeng gomme re bee bohlatse bja Therešo. Amene. Semaka! Oo, nna!

²³¹ Ke swanetše go tloga. Ke ikwela o ka re nka kgona go thoma thwi bjale le go rera, ke a dumela. Ke—ke no hwetša maikutlo gabotse.

²³² Seaparo, karolo ya go menagana gabedi! Jesu o rile, “Dilo tše Ke di dirago le tla di dira le lena, le tše kgolo,” bontši bja yona, karolo ya go menagana gabedi. “Le dihlatse tša Ka morago ga ge le amogetše karolo ya go menagana gabedi.” A re Mo šetšeng. Beang mahlo a lena go Yena. Kobo e fase. Kobo e fa, bošegong bjo. Moya wo Mokgethwa wola wa go swana wo o bego o le godimo ga Jesu Kriste o ka kerekeng ye, bošegong bjo, go

bitša modumedi e ka ba mang yo a lego ka mo, ka Maatla a go tšwa Godimo. Gona le tla ba dihlatsa tša Gagwe, ka Jerusalema, Judea, Samaria, Afrika Borwa, Asia, kae kapa kae o yago. “Wa go swana maabane, lehono, le go ya go ile.”

“Lena letang!” Ga go makatše Filipi a kgonne go ya tlase le go rera!

²³³ Ga go makatše, ge ba kgatlide moisa yo monnyane ka maswika, Stefano, gomme o lebeletše godimo ka Legodimong; makoloboto a mo itia ka mahlakoreng a mabedi a hlogo, a šilaganya mabjoko a gagwe a mannyane ntle go ya mobung. O lebeletše godimo gomme o rile, “Bonang, ke bona magodimo a bulegile, gomme Jesu a eme ka seatleng se setona sa Modimo.” O be a le hlatse.

²³⁴ Ga go makatše, Paulo, Saulo tseleng ya gagwe tlase fale, mahlo a gagwe a be a foufaditšwe ge Seetsa se wetše pele ga gagwe. Gomme o rile, “Ke mang, Morena, yoo ke—yoo ke mo hlomerego?”

²³⁵ O rile, “Jesu.” Gomme O rile, “Eya tlase mokgotheng wo o bitšwago Gootlologa.”

²³⁶ Gomme O bile le moreri tlase fale, yoo a bonego dipono, kafao o...ka leina la Anania. Gomme Anania o bone pono ya Paulo. Gomme o ile ka gare le go bea diatla godimo ga gagwe, le go re, “Ngwanešu Saulo, Morena Jesu Yo a kopanego le wena ka tseleng, o nthomile gore ke bee diatla tša ka godimo ga gago, gore o tla amogela pono ya gago le go tlatšwa ka Moya wo Mokgethwa, ka gore O mpontšitše gore o swanetše go ba hlatse ye kgolo go Yena.”

²³⁷ Hlatse! Sa pele, eng? “Amogela pono ya gago, gomme o amogele Moya wo Mokgethwa.” Dikgapetla di wele go tloga mahlong a gagwe. O tsogile le go ya tlase Nokeng ya Damaseko, a kolobetšwa. Ke a eleletša ba bile le nako tlase fale! A ga le?

²³⁸ Go be go le Saulo tseleng, a eya tlase, ka ditaelo ka potleng ya gagwe, “Go golega sehlopha sela sohle sa bapshikologibakgethwa,” yeo ke nnene, “go hemela ntle a tšhošetša.” Modimo o mo thenkgolotše go tloga go pere ya gagwe ya godimo. O mo dirile hlatse ya se batho bale ba bilego le sona. Oo, nna!

²³⁹ Ke a makala ge eba batho, bošegong bjo, ga ba katiše pere ye ya godimo ya go swana, bošegong bjo, ba swanetše go thenkgollwa, le go ba hlatse.

²⁴⁰ Ke šeditše mosong, ge phoka e be ewa go tšwa magodimong. Gomme le a e šetša ge letšatši le etla godimo, phoka ye nnyane yela, e šetšeng ka fao e benyago feela boka naledi ye nnyane. Ke eng? Ke hlatse. Le a tseba, ka pela ge letšatši lela le hlaba go lefelo le le itšego, ka mokgwa wo, ge le hlaba go lefelo le le itšego, e ya godimo gape. Monola wola o tla ya thwi godimo. Gobaneng?

O bile godimo kua gatee, gomme o nno wela fase. O ya godimo gape. Ke hlatse ya seetša se sa letšatši, go o gogela godimo. O be o le felotsoko. O tseba se o lego mabapi le sona.

²⁴¹ Gomme monna goba mosadi yo mongwe le yo mongwe yoo a tswetšwego ka Moya wa Modimo ke hlatse ya tsogo ya Jesu Kriste. Ka fao Modimo a hlokago dihlatse tše dingwe bosegong bjo! “Eyang lena ka go lefase lohle gomme le Ntlhatseleng, ka go moloko wo mongwe le wo mongwe, go batho bohle. Ke tla ba le lena ka mehla, ebole go fihla bofelong bja lefase.” A nke Moya wo Mokgethwa o nweletše mantšu a se makae a go teba tlase ka soulong ya gago. “Le tla amogela Maatla ka morago ga wo, Moya wo Mokgethwa, o tlide godimo ga lena, gomme ka gona le tla ba hlatse ya Ka, ka Jerusalema, Judea, le go dikarolo tša kgolekgole tša lefase.”

²⁴² Ge re inamiša hlogo ya rena; kgaetšedi, a o ka tla go okene? A re inamišeng dihlogo tša rena feelsa nakwana, mogohle, ka thapelo. Yo mongwe le yo mongwe e no ba le tlhomphokgolo ka mo o kgonago go ba bjale. Ebang ka thapeleng ge pitšo ya aletara e dirwa. Moya wo Mokgethwa o fa bošego bjo bongwe le bjo bongwe, go fa maatlafatšo Kgethwa, hlatse ya tsogo ya Jesu Kriste.

²⁴³ Ke a makala, bosegong bjo, ge o le fa gomme o ka rata go ba hlatse ya Maatla a go tsoša a Morena? Ga se wa ke wa dula go fihla o hlamišwa ka Maatla? A o ka rata go gopolwa ka lentšung la thapelo? Modimo a le šegofatše. Modimo a le šegofatše. Diatla godimo, mogohle, godimo ga moago. Oo, nna! Seo se a makatša.

²⁴⁴ “Ba lehlogenolo ke ba ba swerwego ke tlala le lenyora, bakeng sa toko, ka gore ba tla horišwa.”

²⁴⁵ A go na le yo mongwe ka moagong, bosegong bjo, yo a sego a ke a amogela Kriste bjalo ka Mopholoshi wa sebele, a o tla re, “Ngwanešu Branham, ka seatla sa ka se se phagamišitšwego... Aletara e pakelane e tletše batho fa bjale, eupša ke ya go phagamišetša seatla sa ka godimo, ka re, nthapedišeng. Ke nna modiradibe. Gomme ke—ke fa ke nyaka bjale go dira Modimo go bona seatla sa ka, gore ke nyaka go Mo amogela bjalo ka Mopholoshi wa ka?” Modimo a go šegofatše, mohumagadi. Modimo a go šegofatše, mohlomphegi. Modimo a go šegofatše, mohumagadi. Modimo a go šegofatše. Yo mongwe godimo go la ka le letona? Modimo a go šegofatše, mohlomphegi. Modimo a go šegofatše godimo fale. Seo se kaone. Ba bangwe, šo yo mongwe thwi fa. Modimo a go šegofatše. Seo se no makatša.

²⁴⁶ “Ke nyaka go ba hlatse ya Gagwe”? Yo mongwe o tla phagamiša seatla sa gago, wa re, “Ngwanešu Branham, nthapediše. Ke nyaka go gopolwa ka lentšung la thapelo”? Modimo a go šegofatše. Ke a go bona, mohumagadi fao ka seatla sa gago godimo, le wena. Ke a go bona, lesogana godimo kua mafelelong. Ke go bona ka seatla sa gago godimo.

²⁴⁷ Diatla di ya godimo, mogohle ka go batheeletši ba bannyane ba bošegong bjo, go tswaleleng ga tsošeletšo. Re tseba bjang. . . Mohumagadi yo mongwe šo ka diatla tša gagwe godimo. Modimo a go šegofatše, kgaetšedi. O tseba bjang eupša ye e tla ba ya mafelelo tsošeletšo yeo Tabarenekele ye nnyane ya Branham e tla tsogego ya ba le yona?

²⁴⁸ Ke eme, lehono, fale godimo ga sa go tonya, sebopego sa aese sa mosadi yo moswa ka go bomasomepedi a gagwe. Ke mo tšeetše ntle go ya lebitleng le go mmoloka. Bašemane ba gagwe ba bannyane ba be ba dutše fale hleng le tate. Baisa ba bannyane ba sepeletše godimo go khaskete. Tate o rile, “Etlang pele, botšang mama, ‘Sepela gabotse.’” Ba sepeletše godimo kua gomme ba phagamišetša diatla tša bona tše nnyane go wa go hlokofal, mme wa go hlokofala a robetšego kua, “Sepela gabotse, mama.” Mahlo a bona a mannyane a matsothwa a khupeditšwe ka megokgo, gomme ba fihlile difahlego tša bona tše dinnyane ka diatleng tša bona.

²⁴⁹ Oo, a go ka se nyamiše ge mme yola a sepetše go ya go ile? Eupša, ka mogau wa Modimo o sokologile fa ka Tabarenekeleng. Bošegong bjoo a dirilego sephetho sela, gomme a sepeletšego pele, ke selo se nnoši seo se boleLAGO bjale. Beke ya go feta o be a kitima go dikologa, godimo ga toropo fa, a phelegile le go tia, a ikemišetša go tla kopanong; o babjítše, gomme a hlokofala, feela nthathana gannyane.

²⁵⁰ Bagwera ba babedi ba ka, bobedi bja bona ba šomile bakeng sa Khamphani ya Tirelo ya Setšhaba, ba rathilwe maabane ka kotsing, ba robetše mo ka sepetlele, ba a hwa gonabjale, mosetsana o a dira. Ke šomile le yena, mengwaga ye lesomešupa; pelo e thutše thwi go lehlakore le lengwe la gagwe. Yo mongwe wa bašomi ba seteše sa fasana o letše ka kua, mokgotsi wa ka; ke ile ka dula godimo ga kota, ka dithokgweng, letšatši le lentši, gomme ka bolela le yena ka Morena Jesu. Ke nyaka go mmona nthathana gannyane bjale, ke bolele le yena gape, feela pele a eya ka ntle ga bophelo. Go bona ge eba Morena o tla re botša e ka ba eng bakeng sa gagwe.

²⁵¹ Ke a makala, bao—bao ba phagamišitšego seatla sa bona, bjalo ka go ba badiradibe, gomme ba nyaka go gopolwa ka lentšung la thapelo. Le amogetše Kriste; ke a makala ge eba le a dumela bjale gore le amogela Jesu Kriste? Ebang ka thapelong, mogohle, hlogo ye nngwe le ye nngwe e inamišitšwe. Ge o amogela Jesu Kriste bjalo ka Mophološi wa gago wa sebele, gomme o dumela gore O go pholosítše go tswa sebeng, gomme gonabjale a le ka emeleta ka maoto a lena, bjalo ka hlatse. Motho e ka ba mang a phagamišitšego seatla sa bona, o tla re, “Morena, ke a tseba O ntshepišitše gore ‘Mang le mang a dumelago a ka se ahlolwe.’ Bjale ke a dumela le go Go amogela bjalo ka Mophološi wa ka.”

²⁵² A o ka ema? Re pitlagane gannyane nthathana bakeng sa nako le bakeng sa sekgoba fa. Modimo a go šegofatše, ngwanešu. Modimo a go šegofatše. E no fele o eme. Ge o ka dira, ema. A yo mongwe gape o tla ema?

Yo mongwe gape ema thwi bjale? E no fela o eme, ge o dira. Yo mongwe le yo mongwe ka dihlogo tša lena di inamišitšwe bjale. Mogohle ka moagong, ebang ka thapelong.

²⁵³ Morena, thuša bjale. O Modimo, lebalela badiradibe. O rile, “Yo a tlago go Nna, Nka se mo lelekely ntle le ka mokgwa ofe,” ba bao bjale ba emego.

²⁵⁴ Modimo a go šegofatše, ngwanešu. E no fela o eme. Yo mongwe gape? Ba bangwe ba lena bao le phagamišitšego seatla sa lena, e reng, “Modimo, nkgaogele, modiradibe, gomme mphološe bakeng sa Kriste.” O tla e dira thwi fale, thwi fale. Filipi o rile . . .

“Meetse šea. Ke eng e re šitišago go kolobetšwa?” Filipi o rile, “Ge o dumela ka pelo ya gago yohle, o ka no.”

²⁵⁵ A o ka nyaka go Mo amogela thwi bjale bjalo ka Mophološi wa gago wa sebele? Gomme ge o ka emeleta le go Mo hlatsela pele ga batho, O tla go hlatsetša pele ga Tate wa gago le Barongwa ba bakgethwa. O go lebeletše. O nyaka go ba hlatse? Ema ka maoto a gago, gona, ge o le modiradibe. Modimo a go šegofatše, mohumagadi. Yo mongwe fao, monnamogatša le mosadimogatša ba eme ka matsogo a bona go dikologana seng sa bona, ba amogela Kriste bjale bjalo ka Mophološi wa sebele. Yo mongwe gape? A le ka ema ka maoto a lena, ka pela bjale, ge Moya wo Mokgethwa o šoma fa ka moagong. E re, “Bjale ke nyaka go amogela Kriste bjalo ka Mophološi wa ka. Ke nyaka o nthapediše.”

²⁵⁶ Seo ke se ke yago go se dira, ge ba eme, ka megokgo e keleketla go theoga marama a bona, ka moagong. A le tla ema? Šetsang, yo mongwe le yo mongwe tlhomphokgolo, ga go yo a a sepelago tikologong. Ge ka kgopelo le ka ba ka thapelong.

²⁵⁷ Theetsang, Moya wo Mokgethwa bjale o mekamekana le batho. Ke eng se se go dirilego gore o emiše seatla sa gago? O be o ka se kgone go emiša seatla sa gago ntle le ge Modimo a go dirile gore o dire seo. Jesu o rile, “Ga go motho a ka tlago go Nna, ntle le Tate a mo goga.”

²⁵⁸ Ge feels o ka be o tsebile, mogwera modiradibe, gore batho ba ke boletšego le bona, ba ba rego, “Ga ke dumele go Modimo. Ga ke na le nako ya Yona. Nkile ka E leka. Ke . . . Fao ga go . . . Ga se ka ke ka tsoge ka E kganyoga.”

²⁵⁹ Gomme Modimo o go file tumo, bošegong bjo. Eba Mokriste. O se ke wa Mo gana.

²⁶⁰ Moralokapiano, moralokaokene, O Se Mo Gane, ge le ka dira. Go lokile, ge le sa dira sephetho sa lena.

O se Mo gane, o se Mo gane,
 O tlide morago pelong ya gago gape,
 Le ge o timetše; (A nke, Morena, ka nnete,
 yena...?...)
 ... mo Letšatšing lela la Bokagosafelego!
 O se gane Mophološi go tloga pelong ya gago,
 O se Mo gane.

²⁶¹ Oo, o tla Mo hloka bjang, go re, "O dirile gabotse." A o ka se eme bjale le go re, "Ke amogela Kriste"?

²⁶² Go reng ka yona, kgaetšedi, a o a dumela O lebalela sebe sa gago, o emego kua?

Yo mongwe le yo mongwe ka dihlogo tša lena di inamišitšwe. Re tla tswalela mo motsotsong.

²⁶³ Mo mogela bjale, Jesu Kriste a kokotago pelong ya gago. A o ka se eme gomme wa re, "Bjale ke amogela Kriste bjalo ka Mophološi wa ka wa sebele"? A o ka se emelele bakeng sa lentšu la thapelo? Go reng ka yona, moisa yo moswa ntle kua? Modimo a go šegofatše. Modimo a go šegofatše. Go reng ka wena morago kua ka morago, yo a phagamišitšego seatla sa gago, mohumagadi yo moswa? A o ka se phagame bjale?

... o a Mo hloka go phophotha taba ya gago
 Mo Letšatšing lela la Bokagosafelego!
 O se gane Mophološi go tloga pelong ya gago,
 O se Mo gane.

²⁶⁴ Ge re sa opela khorase yela gape. Ke a makala, ge bao ba emego, ba ka sepelela thwi tlase mo, a nke ke šišinye seatla sa gago gomme ke rapele le wena, thwi tlase mo aletareng. A le ka tla? A ka moka ga lena le ka se tle? Go reng ka wena yo a phagamišitšego seatla sa gago morago kua, a o ka se tle mo? E no tla tlase mo. Modimo a le šegofatše, monnamogatša le mosadimogatša, etlang tlase fa feela motsotso. Sepelela godimo fa. Ke no nyaka go šikinya seatla sa gago, ngwanešu, le wena, kgaetšedi.

... morago go pelo ya gago...

Etla le yena, ngwanešu.

Le ge o sepetše;
 O o tla Mo hloka bjang go phophotha taba ya
 gago
 Go yeo...

A o ka se tle?

O se gane Mophološi go tloga pelong ya gago,
 Le se Mo gane.

²⁶⁵ Bjale, mogwera, nagana ka yona. Pele ga moso, soulo ya gago e ka no kgeilwa go tšwa mmeleng wa gago, go swana le leino ge le tomolwa, ntle go kgabola lefaufau mošola, go ya ka

go Bokagosafelego bja go se fele, e tla ya. Ka go le legolo lela, Letšatši la go šiiša la Morena, ke mang a tla phophothago taba ya gago nako yeo? A o ka se tle? Bonnyane bjo o ka bo dirago ka letšatši le la tsogo, ke go tla, wa re, “Morena Jesu, ke a Go dumela.” [Lefelo la go se be le selo godimo ga theipi—Mor.]

²⁶⁶ . . . rera, gomme o kwe banna ba bangwe ba ba rera. Modimo o mo, ka tiišetšo, o re, “Ke bea leswao la Ka la tumelelo go Yona, gore Ke Therešo.” Ke Ebangedi ya Gagwe. O a dumela bjale, ka pelo ya gago yohle.

²⁶⁷ Ke a makala, ge re sa dira pitšo, ge eba go ne mokgelogi ka fa, a ka rego, “Ngwanešu Branham, nkgopole, gonabjale. Nkgopole. Ke phagamišeditša seatla sa ka godimo. Nkgopole ka thapelong”? Lebelolang, le lengwe la matšatši a, le ya go feta, le lebane le Jesu Kriste.



DIHLATSE NST53-0405E
(Witnesses)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena la Paseka mantšiboa, Aporele 5, 1953, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org